

拾伍

徐美胎

傷寒約編
下

傷寒約編卷二

陽明病提綱

陽明之為病胃家實也

陽明屬胃胃實為陽明病根有實於未病之先者有實於得病之後者有實於外束熱不得透而實者

有妄汗吐下重亡津液而實者有本經熱盛而實者有他經轉屬而實者此只舉病根胃實外證

陽明病外證身熱汗自出不惡寒反惡熱也

胃家實外證身蒸蒸然裡熱熾而達於外汗濺濺然從內溢而無止息表寒已散故不惡寒裡熱閉結

故反惡熱只因胃家實之病根即見身熱自汗之外證不惡寒反惡熱之病情非即可下之證必識語

潮熱煩躁痛脹繞可下耳

陽明病脈證

陽明病脈浮而緊者必潮熱發作有時脈浮者必盜汗出

潮熱有時脈浮而緊是浮為熱熾緊非為寒盜汗為營虛熱迫故脈必浮而不兼他象

傷寒三日陽明脈大

脈大者兩陽合明內外皆陽之象陽明初受表邪脈但浮而未大與太陽同三日來熱自裡發熱熱太

盛故脈亦應而洪大也

脈浮而大心下反硬有熱屬藏者攻之不令發汗屬府者不令溲數溲數則大便硬汗多則熱愈汗少則

便難脈遲尚未可攻陽明主津液所生病津液乾則胃家實故禁汗與溲夫脈之浮緊浮緩浮數浮遲

皆不可攻而可汗此浮而大反不可汗而可攻者以此為陽明三日之脈當知大為病進不可拘浮為

在表也。心下者胃口。心下硬已見胃實一斑。以表脈不當見裡證。故曰反硬有熱。屬藏是指心肺有熱。攻之謂攻其熱不令者。禁止之辭。屬府指膀胱。膀胱熱故洩數不令。處見當滋陰之義。汗出多亡津液而大便硬。即汗出少亦未免大便硬而難出。其利於急攻可知。若脈遲則便非藏熱而浮大皆為虛脈矣。正以發明心下硬一證有無熱屬藏為妄。攻其熱者禁耳。

不可下證

傷寒嘔多。雖有陽明證不可攻之。嘔多者是水氣在上焦而津液未乾也。胃家雖實慎不可攻。攻之恐利遂不止。腹滿嘔吐。是太陰陽明相關證。胃實胃虛是陽明太陰分別處。要知胃家實雖變證百出。不失為生陽下利不止。參附不能挽回。便是死陰也。

誤汗使艱證

陽明病自汗出。若發汗。小便自利。此為津液內竭。大便雖硬不可攻之。當須自欲大便。則宜蜜煎導而通之。若土瓜根及大猪膽汁皆可為導。

汗出溺利而更發其汗。乃胃中津液兩竭。必大便硬而難出。是內燥而非內熱也。只須外潤不可內攻。於自欲大便時。因勢蜜煎導而通之。挾熱者土瓜根大猪胆汁皆可為導。

蜜煎導 治陽明無熱胃虛便閉脈沈者

白蜜七合 銅器內煎熬如飴攪之勿令焦着。可丸捻作挺頭銳如指大長二寸許。乘熱納穀道欲大便去之。

胃虛腸結燥閉不通。故宜甘以緩之。潤以通之。是陽明無熱而胃虛便閉者。法當需此通導。則腸結解。

而胃氣無傷也

大猪胆一枚。瀉汁少許。入醋納穀道中。食頃當大便。

腸結有火。胃家有實。故宜猪胆之苦。以泄之。寒以瀉之。是胃本無火。腸結挾熱者。需此外導。以通泄之。則腸熱化。而胃不寒也。土瓜根導。亦不出苦寒。通導腸結之義。

陽明傷寒證

病有得之一日。不發熱而惡寒者。雖得之一日。惡寒將自罷。即自汗出而惡熱也。

陽明自受寒邪。一日惡寒。與太陽同。至二日寒化熱熾。即自汗出而惡熱也。若從他經轉屬。必常在六七日。而不在一二日間。

陽明病機

陽明居中土也。萬物所歸。無所復傳。始雖惡寒。二日自止。此為陽明病也。

陽明受寒。始雖惡寒。二日自止。蓋胃為戊土。位處中央。表裡寒熱之邪。無所不歸。無所不化。皆從燥化。而為實。實則無所復傳。所以為陽明之病根也。

太陽轉屬證

太陽病。若發汗。若下。若利。小便。亡津液。胃中乾燥。因轉屬陽明。胃實。大便難。此為陽明也。

此太陽轉屬陽明之病。因有亡津液之病機。故成此胃家實之病根也。

本經成實證

傷寒發熱。無汗。嘔不能食。而反汗出。漉漉然者。是轉屬陽明也。

胃實之病機。在汗出多。病情在不能食。初因寒邪外束。故發熱無汗。繼而胃陽中發。故反汗多而嘔。不

能食是病在陽明而成實也

太陰轉屬證

傷寒脈浮緩手足自溫者繫在太陰太陰者身當發黃若小便自利者不能發黃至七八日大便硬者為陽明病也

太陰轉屬陽明者病機在小便小便不利是津液不行而濕土受病病仍在太陰身當發黃若小便自利則津液越出而轉屬陽明為燥土受病故大便當硬也

陽結陰結證

其脈浮而數能食不能便者此為實名曰陽結也期十七日當劇其脈沈而遲不能食身體重大便反硬名曰陰結也期十四日當劇

脈浮數為陽盛陽盛於胃者名陽結脈沈遲為陰盛陰盛於胃者名陰結陽結能食不大便陰結不能食能大便陽結期十七日劇陽主進合乎陽數之奇陰結期十四日劇陰主退合乎陰數之便能食者過期不能食者不及期蓋陽結即是胃實陰結無表證當屬之少陰不可以身重不能食為陽明而不敢溫補也

陽明桂枝證

陽明病脈遲汗出多微惡寒者表未解也可發汗宜桂枝湯

營虛受邪腠理不密故汗出多而微惡寒純是表氣虛寒汗出惡寒同太陽桂枝證以脈遲乃知病在陽明也惡寒微則發熱亦微宜桂枝湯啜熱稀粥法和營散邪則汗更出而營氣和邪自解矣

桂枝湯見前

陽明麻黃證

陽明病脈浮無汗而喘者發汗則愈宜麻黃湯

表有風寒脈必浮盛有力無汗而喘者邪盛外束氣鬱不伸也麻黃湯發汗則汗出而邪外解陽氣和喘自平而脈自斂矣脈證全同太陽而曰陽明者不頭痛項強故耳

麻黃湯見傷寒

小青龍湯合吳茱萸湯證

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

小便利者裡無熱反無汗者表有汗頭痛厥逆必因嘔欬是表裡虛寒胃陽不伸而迫肺上干也小青

龍合吳茱萸湯兩解表裡之邪則嘔欬而厥逆頭痛自平矣

小青龍湯見傷寒

吳茱萸湯見少陰

衄血證

陽明病口燥但欲漱水不欲嚥者此必衄

陽明氣血俱多主津液所生病津液內竭故口燥欲漱水但熱迫血分而不在胃中故不欲嚥水而衄

血可必是病陽明之經絡也宜犀角地黃湯清降之

犀角地黃湯見濕溫

脈浮發熱口乾鼻燥能食者則衄

鼻燥發熱為熱傷陽明之經能食口乾是熱迫陽明之胃表裡交蒸脈必浮盛有力而血結於胃血為

熱迫故衄血也。桃仁承氣湯散而逐之。

桃仁承氣湯見太陽蓄血

傷寒四五日。脈沈而喘滿。沈為在裡。而反發其汗。津液越出。大便為難。表虛裡實。久則讖語。

喘而胸滿。必脈浮者。病在表。可發汗。今脈沈為在裡。則喘滿皆屬於裡。傷寒四五日。正陽明將陷之候。反發其汗。而津液越出。則轉屬陽明。而成胃實。便難讖語。所由來。調胃承氣少和之。條中久則讖語。當作實。則讖語。此傳寫之誤。

調胃承氣湯見陽明中風

發汗多。若重發汗者。亡其陽。讖語脈短者死。脈自和者不死。

陰汗太多。津液越出。則離中之陰大虛。而陽亦外亡。故神明失措。而亦作讖語也。脈短為元陰將脫。不勝收攝。故死。脈自和為脈有胃氣。是知不死。安神救逆。即可生全。酸棗仁湯滋養心液。以安神明也。

酸棗仁湯 治亡陽讖語。脈緩微數者。

酸棗仁三錢 研 懷生地五錢 麥冬三錢 肉桂三錢 砂半錢 珠珀三錢 甜竹瀝三匙 白茯苓二錢 白芍三錢 芍藥半錢 北五味三錢 真阿膠三錢 蛤三錢 粉三錢 炒 生牡蠣三錢 研 笑甘草五分

水煎去渣溫服。汗發多則心液虛。心陽外亡。故讖語也。亡陰而曰亡陽者。以心之液為陽之汗。棗仁

養心。茯苓安神。所以奠神明之主。阿膠益血。白芍斂陰。所以振神明之用。生地麥冬。滋既亡之陰。牡蠣

五味。收浮越之陽。炙草緩中益氣。竹瀝養液化痰。俾陰液內充。則虛陽自斂。而神明自安。讖語自寤矣。

讖語直視喘滿者死。下利者亦死。

讖語因於陽盛。不是死證。若讖語直視。目不轉睛。是藏府之精氣將絕。即喘而不休。肺氣已絕。滿而不運。

脾氣亦絕。下利不止。乃倉廩不藏。門戶不要。皆為死證也。

夫實則讖語。虛則鄭聲。鄭聲重語也。

邪氣盛則實。實則讖語。言雖誕妄。與發狂不同。自有一種莊嚴之狀。正氣奪則虛。虛則鄭聲。語言婉轉。與讖語不同。自有一種必欲有求之狀。故仲景以重語釋之。乃見有鄭重其事而不忽其言也。

熱入血室證。

陽明病下血。讖語者。此為熱入血室。但頭汗出者。刺期門。隨其實而瀉之。澹然汗出則愈。

熱鬱陽明。陷入血室。血下則陽熱上浮。而神明被擾。故神讖無主。語言讖妄也。但頭汗出。刺期門。期門乃肝之募。瀉其熱。而通其經。則汗得遍身。而畜熱外泄。下血自止。而讖語無不自己。黑膏施歧法亦可。以已。

梔子豉湯 治陽明挾熱。脈弦長者。

梔子錢三淡豉錢三

水煎去渣溫服。胃熱乘肝。陷入血室。故下血。讖語為邪熱入於血室也。梔子除內煩。淡豉泄外熱。君

以黑膏。則陽明之血熱自解。而讖語自止矣。

婦人中風發熱惡寒。經水適來。得之七八日。熱除而脈遲身涼。胸脇苦滿。如結胸狀。讖語者。此為熱入血室也。當刺期門。隨其實而瀉之。

中風經至發熱惡寒。當先解其外。至七八日熱除身涼。反胸脇滿而非結胸。發讖語而非胃實。脈遲為在藏。是血結於肝。而堵塞神明也。此為熱入血室。刺期門以瀉結除滿。則結血化而讖語自己。小柴胡加赤芍生地亦已。

小柴胡湯見少陽

婦人傷寒發熱。經水適來。晝則明了。夜則譫語。如見鬼狀。此為熱入血室。無犯胃氣及上下焦。必自愈。傷寒發熱。見婦人中風。傷寒皆有熱入血室證。發熱不惡寒。是病在陽明。譫語不因胃實。是肝虛魂不安。而妄見。故如見鬼狀。病在血分。故晝則明了。夜則誕妄也。不得妄下。以傷中焦之胃氣。亦不得妄汗。以傷上焦之清陽。刺之出血。以傷下焦之真陰。當養血清魂。而譫語自已。黑逍遙散合舉輕古拜散去。

黑逍遙散

治熱入血室。脈數弦虛者。

懷生地錢五 軟柴胡分五

芍藥錢半 當歸身錢三 冬白朮錢半

白雲神錢二 粉甘草錢五 炒荷葉錢三

水煎去渣溫服。血熱加梔丹。傷寒經至血虛。邪熱陷於血室。故晝則明了。夜則譫語。見鬼亦為熱。

入血室。歸芍斂陰。養血。朮草健中生血。柴胡升陽散熱。肝木得遂。條達之性。茯神滲熱安神。心氣亦致和平之德。生地黃滋陰益血。腎水有既濟之功。炒荷葉升陽和血。肝陰有轉舒之妙。俾水潤木榮。心脾得滋養之力。更合黑荆。則血室清而魂自藏。外熱解而譫語自已。又益梔丹。以平血中之熱。何患邪有解熱。猶陷入血室乎。

舉輕古拜散

治崩滿吐衄脈浮者

荆芥穗炒三兩

為末水調三錢。亦可入煎劑。經受外邪。遏熱迫血。故血從諸竅溢出。宜隨上下以酌湯治之。荆芥理血疎風。炒黑炭入血分。力能和血止血。以疎血中之邪。炭止吐衄崩漏。挾邪之血。因方製劑。無不獲效。

陽明中風證

陽明中風。口苦咽乾。腹滿微喘。發熱惡寒。脈浮而緊。若下之。則腹滿小便難也。

微喘惡寒脈浮而緊同太陽麻黃證口苦咽乾又似太陽少陽合病更兼腹滿又似太陽太陰合病何以名為陽明中風耶以無頭項強痛則不屬太陽不耳聾目赤則不屬少陽不腹痛自利則不屬太陰是知口為胃竅咽為胃門腹為胃室喘為胃病無疑今雖惡寒二日自止脈之浮緊亦陽明潮熱有時之候此陽明初病在裏之表若以腹滿為胃實而下之則腹更滿而小便難大便反易矣當以小柴胡合梔鼓湯主之

小柴胡湯見少陽

梔鼓湯見前熱入血室證

陽明中風脈弦浮大而短氣腹部滿脇下至心痛久按之氣不通鼻乾不得汗嗜臥一身疼面目悉黃小便難有潮熱時時噦耳前後腫刺之小差外不解病過十日脈弦浮者與小柴胡湯脈但浮無餘證者與麻黃湯若不尿腹滿加噦者不治

中風二字便藏表熱在內刺之是刺足陽明隨其實而瀉之脈弦浮者向之浮大減小而弦尚存故可與小柴胡湯以解外脈但浮而不弦大則非陽明少陽脈無餘證則諸證悉罷惟太陽之表未散故可與麻黃湯以解外若不尿腹滿加噦此是內不解小便難者竟至不尿是化源已絕也腹部滿者竟不減脾氣敗而不運也時時噦者更加噦而胃氣敗絕均不可治也此陽明中風之劇者兼太陽少陽兩經證小柴胡湯見少陽

麻黃湯見太陽

陽明中寒證

陽明病若能食名中風不能食名中寒

風為陽邪。故能食。寒為陰邪。故不能食。以能食不能食。別風寒。亦以見陽明之虛實也。此陽明初受表邪。先辦胃家虛實。為診家着眼處。

陽明病。若中寒不能食。小便不利。手足濇然。汗出。此欲作固瘕。必大便初硬後溏。所以然者。以胃中冷水穀不別故也。

胃陽盛。則中熱而消穀。胃陽虛。則中寒而不能食。固瘕。即初硬後溏之謂。肛門雖固結。而腸中不全乾也。溏即水穀不別之故。胃中寒不能化液。故小便不利。胃中虛不能攝液。故手足濇然。汗出耳。理中湯加烏梅以溫理之。

理中湯 見太陰

陽明病。脈遲。腹滿。食難用飽。飽則微煩。頭眩。必小便難。此欲作穀疸。雖下之。腹滿如故。所以然者。脈遲故也。

食難用飽。因於腹滿。腹滿。因於小便難。頭眩。又因於食飽耳。此胃虛寒滯。過濕於中。故食入。則胃氣不化。而煩。清陽下升。而眩。濁陰不降。而腹滿。小便難也。身體盡黃。名曰穀疸。不用五苓。合枳實理中。而反以茵陳湯下之。則脈遲。為在臧脾。氣愈傷。故腹滿不減。而如故。

五苓散 見太陰

枳實理中湯 治穀疸腹滿脈遲者。

於潛朮煨半 小枳實炒 分炮 姜炭分 白茯苓錢 甘草灰分五

水煎去渣溫服。胃虛寒。伏過濕於中。則中氣不化。而腹滿。小便難。故身體淡黃。名曰穀疸。於朮健脾。枳實破滯。炮姜合草。灰溫中。氣以化濕祛寒。茯苓佐草。灰滲脾濕。以安中除滿也。必偶之以五苓。則清

升濁降而小便自利。穀疸自痊矣。

茵陳湯 即茵陳蒿湯見痰熱發黃

除中證

傷寒脈遲六七日而反與黃芩湯徹其熱。脈遲為寒。今與黃芩湯復徹其熱。腹中應冷。當不能食。今反能食。此為除中。必死。

傷寒是熱發於表。脈遲為寒伏於中。與黃芩湯復徹在表之內熱。則熱去而寒起。胃陽不支。假穀氣以自救。反能食者。名除中。必死。不能食者。為寒中。宜桂枝人參湯溫之。

桂枝人參湯 見太陽

梔子豉湯證

陽明病脈浮而緊。咽燥口苦。腹滿而喘。發熱汗出。不惡寒反惡熱。身重若發汗則躁。心憤憤而讞語。若加燒針。心怵惕煩躁不得眠。若下之。則胃中空虛。客氣動膈。心中懊懣。舌上胎者。梔子豉湯主之。

此陽明半表裡證。邪已入腹。不在營衛之間。故妄汗則腎液虛而發躁。心液亡而憤憤。且胃亡津液。則無以榮潤腸府。而大便燥硬。讞語身重。若溫針。則心恐懼而怵惕煩躁不得眠也。下之則胃中空虛。客氣動膈。故心中懊懣不安。脈雖浮緊。舌有胎。是心中畜熱不散。宜梔子豉湯兩解表裡之邪。外而自汗。惡熱身重可除。內而喘滿咽乾口苦自解矣。

梔子湯 見熱入血室

白虎加人參湯

若渴欲飲水。口乾舌燥者。白虎加人參湯主之。

燥渴欲飲水是熱已入胃用白虎加人參湯瀉胃火而扶元氣

白虎加人參湯 治燥渴飲水舌燥口乾脈洪大者

石羔錢五人參分八甘草分五知母錢半粳米握一

水煎去渣溫服 胃熱熾盛津液頓亡故脈洪大煩大渴欲飲水數升也生石羔大寒瀉胃火而津液生肥知母辛寒泄肺火以潤腎燥甘草緩寒葯之性用為舟楫而沈降之性始得留戀於胃粳米奠安中宮培形氣而生津液使陰寒之品庶無傷損脾胃之虞更加人參者以氣為水母於大寒劑中扶元氣生津血也此湯入胃輸脾歸肺則津液四布而胃熱頓除煩大渴可解脈之洪大亦無不斂矣

猪苓湯證

若脈浮發熱渴欲飲水小便不利者猪苓湯主之

利矣

猪苓湯 治發熱口渴小便不利脈浮者

猪苓錢半茯苓錢半澤瀉錢半滑石錢三阿膠錢五化沖

水煎去渣納膠溶和服 發熱渴飲小便不利是濕熱內淫陰津虧少不能上奉以退蒸也猪苓茯苓滲濕化氣理水之源澤瀉滑石滲濕利水清水之用阿膠乃血氣之屬是精不足者補之以味以此滋陰利水則水升火降而小便無不利熱渴無不除矣

梔子豉湯證

梔子甘草湯證

梔子生薑豉湯證

發汗吐下後虛煩不得眠若劇者必反覆顛倒心中懊懣梔子豉湯主之若少氣者梔子甘草豉湯主之若嘔者梔子生薑豉湯主之

虛煩是陽明之壞病懊懣一證以概憤懣怵惕是虛煩之象反覆顛倒切肖不得眠之狀心居胃上即陽明之表此心病皆為陽明表邪故製梔子豉湯因而越之若少氣加甘草以益氣若嘔加生姜以散邪是從虛煩中細細別出

梔子豉湯見熱入血室

梔子甘草豉湯 治虛煩少氣脈浮數者

梔子錢淡豉錢甘草錢

水煎去渣溫服 虛煩是熱乘心膈少氣是熱傷氣化此病在胸中乃陽明裡之表證梔子苦能泄熱

寒能勝熱其形象心色赤通心故主治心中上下一切證豆形象腎色黑通腎製而為豉輕浮上行能

使心腹之濁邪上出於口外散於肌肉也一吐而心腹得舒則表裡之煩熱悉除熱傷氣者少氣加甘

草以益氣而氣自調耳

梔子生薑豉湯 治虛煩多嘔脈數弦浮者

梔子錢淡豉錢生薑分五

水煎去渣溫服 虛熱相搏者胃氣不順而多嘔加生姜以散逆止嘔而虛熱自平胃氣自調嘔無不

除矣

梔子乾姜湯證

傷寒醫以丸藥大下之。身熱不去。微煩者。梔子乾薑湯主之。
攻裏不達寒。用寒藥大下之。寒氣留中。可知心微煩而身熱不去。裏寒格熱之象也。梔子乾薑湯主治之。

梔子乾薑湯 治身熱微煩脉沈者

梔子錢半 乾薑二錢

水煎去渣温服。裏寒格熱。故心中煩而身熱不去。乃誤下之變也。用梔子以解內煩。倍乾薑以逐裡

寒而表熱自散。

梔子厚朴湯證

傷寒下後。心煩。胸滿。起臥不安者。梔子厚朴湯主之。

心煩則難臥。腹滿則難起。起臥不安。是心熱移胃。與反腹顛倒之虛煩不同。梔子厚朴湯主治之。

梔子厚朴湯 治心煩腹滿起臥不安脈弦者

梔子三錢 厚朴錢半 枳實錢半

水煎去渣温服。邪熱內乘。中氣不化。故心煩腹滿。起臥不安。是太陰陽明相關證也。梔子以治煩。枳

實以泄滿。此兩解心腹之劑。小承氣之先着歟。

梔子柏皮湯證

傷寒身熱發黃者。梔子柏皮湯主之。

寒傷於表。陽氣拂鬱。則汗不得出。熱不得越。而發黃者是胃火蒸騰於經絡。黃色外見於皮膚也。斯時寒已化熱。宜用梔子柏皮湯以苦泄之。

梔子柏皮湯 治身熱發黃脈數者

梔子錢柏皮錢甘草五分

水煎去渣溫服 內熱蒸騰表氣拂鬱則熱發經絡而汗不得出熱不得越故發黃也梔子以治內煩

柏皮以泄外熱甘草和中則熱解氣調而黃自退矣

凡用梔子湯病人舊微溲者不可與服之

向來胃氣不實雖梔子亦當禁用

瓜蒂散證

病如桂枝證頭不痛項不强寸脈微浮胸中痞硬氣上冲咽喉不得息者此為胸有寒也當吐之宜瓜蒂

散

病如桂枝證但頭不痛項不强便非太陽中風證未經汗下而胸中痞硬更非結胸瀉心是邪中於面

則入陽明故寸脈微浮鼻鳴發熱汗出惡風者似病在表之表乃病在胸中氣上冲不得息而又邪中

於膈亦入陽明是病在裏之表則胸寒結而不散胃陽鬱而不伸故用瓜蒂散因而越之胃陽得升寒

邪自散得裡之表和而表之表亦解矣

瓜蒂散 治胸中痞硬寸脈微浮者

赤小豆兩甜瓜蒂兩

別搗篩合治之以三錢用豉一兩煮稀糜去渣取汁和散溫服得吐乃止亡血虛家不可與邪結陽明

心氣不降故胸中痞硬氣上冲咽喉不得息也瓜蒂色青象東方甲木之化得春升生發之機能提胃

中陽氣除胸中實邪為吐劑中第一品其性走而不守必得穀氣以和之赤小豆象心甘酸可以保心

氣黑豆象腎制而為眚能令腎家之精氣上交於心胸中之濁氣外出於口快吐而不致傷神奏功之捷勝於汗下也

四逆湯證

少陰病飲食入口則吐心中溫溫欲吐復不能吐始得之手足寒脈弦遲者此胸中實不可下也當吐之若膈上有寒飲乾嘔者不可吐也當溫之宜四逆湯

飲食入口即吐原非少陰虛寒心下溫溫欲吐溫上則復不能吐此寒結在胸熱蓄心下宜瓜蒂散因其高而越之則邪從吐解矣若膈上有寒飲與心下溫不同反乾嘔與飲食即不吐同宜四逆湯溫之可知手足寒脈弦遲有心溫膈寒二證治分天壤診家須着眼

四逆湯見少陰

太陽病當發熱惡寒今自汗出不惡寒發熱關上脈細數者以醫吐之過也此為小逆一二日吐之者腹中飢口不能食三四日吐之者不喜糜粥飲食冷食朝食暮吐以醫吐之所致也

太陽病當發汗而反吐之則膈氣內傷自汗反出關上脈細數也惡寒發熱雖除頭項強痛仍在猶未至不能飲食尚為小逆一二日熱正在表誤吐而邪未盡隨飢不能食三四日熱發於裡誤吐而胃陽已亡不喜穀食反喜瓜果是為除中朝食暮吐此為大逆

白虎湯證

傷寒脈浮發熱無汗其表不解者不可與白虎湯渴欲飲水無表證者白虎加人參湯主之

脈浮發熱無汗是傷寒之表未解故不可清火若外熱已解是無表證欲渴飲水熱已內攻當用白虎加人參是瀉火而益元氣也俾火熱自化則煩渴自除矣

白虎加人參湯見前

服桂枝湯大汗出後大煩渴不解脈洪大者白虎加人參湯主之

大汗出後表邪已解大煩渴脈洪大是裡熱已熾用白虎加人參乃瀉火益元而止煩渴也

白虎加人參湯見前

傷寒無大熱口渴燥渴心煩背微惡寒者白虎加人參湯主之

表無大熱見微熱猶在背微惡寒見惡寒將罷口渴燥心煩渴欲飲水此表邪將解已輕裡熱熾已甚急用白虎加人參則裡和而表自解矣

白虎加人參湯見前

傷寒若吐若下後七八日不解熱結在裡表裡俱熱時時惡風大渴舌上乾燥而煩欲飲水數升者白虎加人參湯主之

傷寒七八日不解是當汗不汗而反行吐下津液頓亡表雖不解裡熱已甚也表裡俱熱是太陽陽明併病然時時惡風則有時不惡表亦將解與背微惡寒同煩躁舌乾大渴為陽明證欲飲水數升者是熱甚而津液大傷急當救裏以存津液當用白虎加人參則裡和而表自解故不須兩解之法

白虎加人參湯見前

三陽合病腹滿身重難以轉側口不仁而面垢遺尿發汗則讞語下之則額上出汗手足冷若自汗出者白虎湯主之

此陽明病而畧兼太少胃氣不通故腹滿無氣以動故身重難以轉側是少陽樞機不利津液不行於口故口不仁陽氣不行於面故面垢耳遺尿者膀胱不約也雖三陽合病而陽明居多妄汗則津竭而

識語妄下則亡陽而頭汗厥冷自汗出為內熱所蒸必須渴脈洪可用白虎而諸證悉平玩無氣身重則白虎湯中不當去參無疑此亦傳寫之誤

白虎湯見前不加人參即是

傷寒脈滑而厥者裡有熱也白虎湯主之

厥而脈滑病屬傷寒是邪熱閉結於裡陽氣不行於表也此陽極似陰之證全憑脈以辨之然必煩渴引飲能食大便難乃可用白虎湯以解之

白虎湯見前

茵陳蒿湯證

陽明病發熱汗出此為熱越不能發黃也但頭汗出身無汗劑頸而還腹滿小便不利渴飲水漿此為瘀熱在裡身必發黃茵陳蒿湯主之

陽明多汗汗出則熱得外泄不能發黃也但頭汗劑頸身無汗則熱不得越腹滿小便不利渴飲水漿是瘀熱在裡不化故身必發黃也宜茵陳蒿湯通大便而瘀熱自化利小便而發黃自退矣

茵陳蒿湯 治瘀熱發黃脈沈數者

茵陳錢三 大黃錢三 梔子錢三

水煎去渣溫服 大便秘腹自減尿如皂角汁狀色正赤黃從小便去

陽明瘀熱在裏熱不得越故腹滿便難身必發黃也茵陳蒿歷遍冬霜之氣能除瘀熱留結佐梔子以通水源而小便利大黃湯滌胃熱令瘀熱從大便泄則小便亦快而腹滿無不減發黃無不退矣此亦引而竭之法

寒濕發黃證

傷寒發汗已目為黃所以然者以寒濕在裡不解故也。不可下。於寒濕中求之。

傷寒固宜發汗發之而身目反黃者熱解而寒濕不解也。身目黃而面不黃以此知繫在太陰當溫中散寒而除濕於真武五苓輩求之。

真武湯見少陰

五苓散見太陽

承氣湯證

傷寒下大便六七日不惡寒反惡熱頭痛身熱者與承氣湯

得病便不大便見胃家先已挾寔至六七日頭痛身熱不解不惡寒反惡熱乃陽邪更實於裡是太陽陽明合病已屆經盡之期可與調胃承氣湯攻其裡而表自解不必慮頭痛身熱為有表也。

調胃承氣湯 治頭痛身熱惡熱便閉脈沈實數者

大黃錢三炙草半錢芒硝半錢

水煎去渣少少溫服得汗利為度。兩陽合病邪熱已實於裡故頭痛身熱惡熱便閉為表裡俱熱也。

大黃蕩熱以通地道芒硝瀉實以潤燥結炙草緩中以益胃氣推陳之中仍寓致新之意一攻一緩調

胃之法備矣胃調則諸氣皆順而兩經之邪熱無不自解故亦以承氣名之也。

病人煩熱汗出則解又如瘧狀日晡發熱者屬陽明也脈實者宜下之與承氣湯

煩熱自汗似太陽欲解寒熱如瘧似少陽欲解繼而日晡潮熱此為轉屬陽明也脈已沈實可與調承氣湯下之當與六七日不大便參看。

調胃承氣湯見前

太陽病三日發汗不解頭不痛項不强不惡寒反惡熱蒸蒸發熱者屬胃也調胃承氣湯主之

病甫三日已經發汗邪氣得泄則發熱當解而不解是內熱反熾必其人胃陽素旺因發汗亡津液而

轉屬陽明也故頭不痛項不强見太陽證已罷不惡寒反惡熱是陽明證已著可與調胃承氣湯調其

胃而蒸熱自解要知日數不必拘當在脈證上講求

調胃承氣湯見前

若胃氣不和讞語者少與調胃承氣湯

讞語是胃熱所發調胃承氣乃下其熱而讞語自已少與者即調之之法

調胃承氣湯見前

小承氣湯證

太陽病若吐若下若發汗微煩小便數大便因硬者小承氣湯和之愈

太陽之壞病而轉屬陽明微煩小便數大便尚不當硬因妄治亡津液而然故用小承氣以潤其燥而

和其胃也

小承氣湯 治大便微煩脈弦實數者

大黃錢厚朴錢半枳實錢半

水煎去渣溫服得大便勿再服 太陽病不解因治壞而轉屬陽明故微煩小便數大便因硬而閉塞

不通也大黃通地道枳實消痞實厚朴除脹滿名之曰小味少力緩製小其服耳

大承氣湯證

得病二三日。脈弱無太陽柴胡證。煩躁心下硬。至四五日。雖能食。以小承氣湯。少與微和之。令小安。至六日。與承氣湯一升。若不大便。六七日。小便少者。雖不能食。但初頭硬。後必瀉。未定成硬。攻之必瀉。須小便利。尿定硬。乃可攻之。宜大承氣湯。

得病二三日。尚在三陽之界。脈弱恐為無陽。無太陽少陽證。則病不在表。而煩躁心下硬。是陽邪已入陽明之裡。四五日。尚能食。則胃中無寒。而便硬可知。少與小承氣微和胃氣。令煩躁少安。不竟除之者。以脈弱。恐大便易動故也。六日後。與小承氣。而七日。仍不大便。脈必不弱。是為胃家實之小驗。小便若少。雖不能食。為胃有燥屎。恐津液還入胃中。但初頭硬。後必瀉。得小便利。尿定硬。乃可用大承氣下之。下之若早。語言必亂。以脈弱為太陽中風。能食為陽明中風也。

大承氣湯 治腹脹小便利尿定硬脈實數大者

大黃錢三厚朴錢半芒硝錢三枳實錢半

水煎去滓溫服。得下勿再服。病六七日。不大便堅實。腹脹及讞語潮熱渴。均宜以此攻之。大黃湯。滌熱實。芒硝軟硬攻堅。枳實消痞厚朴除滿。承氣曰大。味多力猛。製大其服也。

陽明病脈遲微。汗出不惡寒者。其身必重。短氣腹滿而喘。有潮熱者。此外欲解。可攻裏也。手足濇然。而汗出者。此大便已硬也。大承氣湯主之。若汗多微發熱惡寒者。外未解也。其熱不潮。不可與承氣湯。若腹大滿不通者。可與小承氣湯。微和胃氣。勿令大泄下。

脈遲未可攻。恐為無陽。恐為在藏。故必表證悉罷。證畢具。方可大承氣攻下。汗出多而微惡寒者。是表證仍在。雖大滿不通。只可小承氣微和胃氣。勿令大泄下。胃實諸證。以手足汗出為可據。而潮熱尤為親切。

大承氣湯 見前

小承氣湯 見前

陽明病潮熱大便硬者可與大承氣湯不硬者不可與之若不大便六七日恐有燥屎欲知之法少與小承氣湯入腸中轉失氣者此有燥屎乃可攻之若不轉失氣者此但初頭硬後必溏不可攻之攻之必脹滿不能食也欲飲水者與水則噦其後熱者發必大便硬而少也以小承氣湯和之不轉失氣者慎不可與也

此必因脈之遲弱即潮熱尚不足據又立試法如無燥屎而攻之則胃家虛脹而不能食故雖潮熱便硬而少也要知不轉失氣者即渴欲飲水而不可與况攻下乎以小承氣為攻仍以小承氣為和總是慎用大承氣耳

大承氣湯同小承氣湯 俱見前

陽明病讞語發潮熱脈滑而疾者小承氣湯主之因與承氣湯一升腹中轉失氣者更服一升若不轉失氣者勿更與之明日不大便脈反微瀯者裡虛也為難治不可更與承氣湯也

脈滑而疾為有宿食讞語潮熱下證已具與小承氣湯試之不轉失氣者宜為易動明日仍不大便乃胃家似實而脈反微瀯是陽證反見陰脈元氣衰而邪不受製也故為難治

小承氣湯 見前

傷寒若吐若下後不解不大便五六日上至十餘日晡所發潮熱不惡寒獨語如見鬼狀若劇者發則不識人循衣摸床惕而不安微喘直視脈弦者生瀯者死微者但發熱讞語大承氣主之若一服利止後服

壞證有微劇微者是邪氣實。當以下解一服。利止後服。只攻其實。無乘其虛也。劇者是邪正交爭。當以脈辨其虛實。弦脈象長。是邪氣實。不矢為下證。故生瀉脈象短。是正氣虛。不勝更下。故死。如見鬼狀。獨語與鄭聲。讖語不同。乃邪氣盛而神明不治。耳潮熱。不大便。不惡寒。是邪實於胃。當為可下。目直視。不識人。循衣摸床。比潮熱時事。故勿斷為死。而以大承氣湯下之。則從病下解矣。

大承氣湯見前

陽明病。其人多汗。以津液外出。胃中燥。大便必硬。硬則讖語。小承氣湯主之。若一服讖語止。更莫復服。陽明主津液所生病。故陽明病。必多汗。多汗是胃燥之因。硬是讖語之由。一服讖語止。大便雖未利。而胃家濡潤。可知承氣雖小。不必更服。以傷胃氣也。

小承氣湯見前

下利讖語者。有燥屎也。宜小承氣湯。

下利是大腸虛。讖語是胃氣實。胃實腸虛。只須大黃以攻實。無庸芒硝以軟堅也。故宜小承氣湯。

小承氣湯見前

汗出讖語者。以有燥屎在胃中。此為風也。須下之。過經而可下之。下之若早。語言必亂。表虛裡實。故也。下之則愈。宜大承氣湯。

汗多亡津。胃實則讖語。以有燥屎在胃中。而本於中風。過經乃可下之。下之若早。表以早下。而虛熱不解。裡以早下。而胃家不實。如十三日不解。過經下利。而讖語日晡潮熱。脈實沈數者。宜大承氣下之。而讖語自已。

大承氣湯見前

陽明病讖語有潮熱反不能食者胃中必有燥屎五六枚也宜大承氣湯下之若能食者但硬耳初能食反不能食胃實可知若能食大便硬是腸實而胃未實恐本中風未可下也讖語潮熱畢具始宜大承氣下之耳

大承氣湯見前

病人不大便五六日繞臍痛煩躁發作有時者此有燥屎故也五六日不大便是陽邪已入於胃二腸附臍故繞臍痛以有燥屎故也煩躁有時謂日晡潮熱之時當下之宜大承氣湯

大承氣湯見前

大下後六七日不大便煩不解腹滿痛者此有燥屎也所以然者以本有宿食故也宜大承氣湯得病時本有宿食故大下之後仍能大實痛隨利減故宜大承氣湯

大承氣湯見前

腹滿不減減不足言當下之宜大承氣湯

下後無變證則非不當下腹滿不減下之未盡也當更下之宜大承氣湯

大承氣湯見前

發汗不解腹滿痛者急下之宜大承氣湯

表雖不解邪甚於裡急當攻裡故宜大承氣湯裡和而表自解矣

大承氣湯見前

二陽併病見太陽證罷但發潮熱手足濇濇汗出大便硬而讖語者下之則愈宜大承氣湯

二陽併病見太陽未罷時便有可下之證則種種皆陽明下證也今太陽已罷宜大承氣湯

大承氣湯見前

陽明病發熱汗多者即下之宜大承氣湯

發熱汗多恐其亡陽當急下以存津液宜大承湯則裡和而熱解汗自止矣

大承氣湯見前

傷寒六七日目中不了了睛不和無表裏證大便難身微熱者此為實也急下之宜大承氣湯

傷寒七日不愈陽邪已實於裏目不了了由睛不和身微熱見大便已去無表證也不煩躁口渴是無裏證惟大便難為胃實胃家既實必濁邪上升清氣閉塞大承氣急下之則濁陰出下竅清陽走上竅矣

大承氣湯見前

少陰病得之二三日不大便口燥咽乾者急下之宜大承氣湯

熱淫於內腎水枯涸因轉屬陽明胃火上炎故口燥咽乾急下之則火歸於坎而津液自升大便自潤矣此若非本有宿食何得二三日便當急下如此

大承氣湯見前

少陰病自利清水色純青心下必痛口燥舌乾者急下之宜大承氣湯

自利而渴者屬少陰自利清水時必心下痛必口燥舌乾是土燥火炎水去而穀不去母病及子故色純青也大承氣急下之雖是通因通用其實仍是通因塞用

大承氣湯見前

少陰病六七日腹脹不大便者急下之宜大承氣湯

少陰病六七日腹脹不大便者急下之宜大承氣湯

大承氣湯見前

少陰病六七日腹脹不大便者急下之宜大承氣湯

傷寒論

卷二

三

六七日當解不解因轉屬陽明是藏氣實而不能入則還之於府急攻之所謂已入於府者可下也

傷寒約編卷三

少陽病提綱

少陽之為病口苦咽乾目眩也

少陰居半表半裏口咽目不可謂表不可謂裡是表入裡裡出表也正是半表半裡開之可見合之不
見恰合樞机之象為少陽一經之綱領苦乾眩三者皆相火土走空竅而為病兼風寒雜病言但見一
證即是不必悉具

少陽傷寒證

傷寒脈弦細頭痛發熱者屬少陽少陽不可發汗發汗則譫語此屬胃胃和則愈胃不和則煩而躁

少陽初受寒邪病全在表故頭痛發熱與五六日而往來寒熱之半表不同弦為春脈細則少陽初出
之象少陽少血不可發汗發汗則津液越出必胃燥而譫語若兼煩躁則為胃實矣

少陽中風證

少陽中風兩耳無所聞目赤胸滿而煩者不可吐下吐下則悸而驚

少陽經絡繫於耳會於頭循於胸中為風木主相火風中其經則風動火炎故耳聾目赤胸滿而煩也
少陽主膽膽無出入津液重亡胆虛心亦虛故悸膽虛肝亦虛則驚雖不言脈可知其必弦而浮

少陽病欲罷脈

傷寒三日少陽脈小者欲已也

少陽受病當三四日發傷寒三日脈弦細屬少陽小即細也脈小而無頭痛發熱是少陽經中邪氣欲罷耳

太陽少陽併病

太陽與少陽併病脈弦頭項強痛或眩暈時如結胸心下痞硬者當刺大椎第一間肺俞肝俞慎不可發汗則讖語若讖語不止當刺期門

脈弦屬少陽頭項強痛屬太陽眩暈結胸心下痞則兩陽之併病也病在經脈非刺法不足以言巧肺俞屬太陽肝俞屬少陽刺之則兩經之邪並解若妄汗則津液越出必胃燥而讖語宜肅胆府以解兩經之邪柴胡桂湯加牡蠣主之

柴胡桂枝湯

見太陽中風

太陽少陽併病而反下之或結胸心下硬下利不止水漿不下其人心煩併病在兩陽而反下之如結胸者成直結胸結胸法當下今下利不止水漿不入是陽明閤病於下太陽開病於上少陽樞機無主其人心煩正是結胸證具煩躁者死也

小柴胡湯證

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞硬或心下悸小便不利或不渴身有微熱或欬者小柴胡湯主之

少陽自受寒邪陽氣衰少既不能退寒又不能發熱至五六日鬱熱內發始與寒氣相爭而往來寒熱一也若太陽傷寒過五六日陽氣始衰餘邪未盡轉屬少陽而往來寒熱二也風為陽邪少陽為風木一中於風便往來寒熱不必五六日而始見三也少陽脈循胸脇邪入其經故苦滿膽氣不舒故默默

木邪犯土故不欲飲食相火內熾故心煩邪正相爭故寒熱往來而喜嘔也少陽為樞立方重在半裡而柴胡所主又在半表故小柴胡為和解表裡之主方

小柴胡湯 治寒熱往來脈弦數者

柴胡八分 人參分半 夏黃芩錢半 甘草錢半 生薑片三 大棗枚三

水煎去渣溫服 胸中煩而不嘔去半夏人參加括蕁實三錢 渴者去半夏加括蕁三錢 仍用人參

腹中痛者去黃芩加酒炒芍藥錢半 脇下痞硬去大棗加牡蠣三錢 心下悸小便不利去黃芩加

茯苓錢半 身有微熱不渴去人參加桂枝八分 欬者去人參大棗生薑加五味八分 乾姜八分 邪

中於脇則入少陽中於頰亦入少陽其氣遊行三焦宜小柴胡所主其邪無定居故有或然之證更立

加減法以禦其變也柴胡解表邪黃芩清裡熱即以人參預扶其正氣甘棗緩中 姜夏除嘔其姜夏之

辛一以佐柴芩而逐邪又以行甘棗之滯夫邪在半表勢已向裏未有定居所以方有加減藥無定品

之可拘也

傷寒中風有柴胡證但見一證便是不必悉具

柴胡為樞機之劑凡邪氣不全在表未全入裏者皆可用故證不必悉具而方亦有加減也

嘔而發熱者小柴胡湯主之

傷寒則嘔逆中風則乾嘔凡傷寒中風無麻黃桂枝證但見喜嘔而發熱者便是柴胡證不必寒熱往

來而始用也

小柴胡湯 見前

陽結陰結證

傷寒五六日頭痛汗出微惡寒手足冷心下滿口不能食大便鞭脈沈細者此為陽微結必有表復有裏也脈沈亦在裏也汗出為陽微結假令純陰結不得復有外證當悉入在裏矣此為半在裏半在表也脈雖沈細不得為少陰病所以然者陰不得有汗今頭出汗故知非少陰也可與小柴胡湯設不了了者得尿而解

此少陰少陽之疑似證大便硬謂之結脈浮數能食曰陽結沈遲不能食曰陰結陰不得有汗然少陰亡陽亦有脈繁汗出者蓋亡陽與陰結有別亡陽則咽痛吐利陰結則不能食而大便反硬也亡陽與陽結其別在汗亡陽則衛外不固汗必遍身陽結則邪熱閉結鬱汗只在頭也陽明陽盛故能食不大便此為純陽結少陽陽微故不能食而大便硬此為陽微結必究其病在半表微惡寒亦可屬少陰但頭汗出始可屬少陽反覆講明病在少陽而非少陰可與小柴胡而無疑也設不了了者宜大猪胆汁導之得尿而解矣

小柴胡湯見前

猪胆汁方見陽明

小柴胡加減證

傷寒四五日身熱惡風頭項強脅下滿手足溫而渴者小柴胡湯主之

此太少兩陽併病身熱惡風頭項強是太陽證未罷脅下滿已見少陽一證便當小柴胡去參夏加桂枝枳實兩解之則邪從樞轉而太陽亦解矣

小柴胡湯見前

陽明少陽合病

陽明病發潮熱大便溏小便自可胸脅滿者小柴胡湯主之

此陽明少陽合病潮熱已屬陽明大便溏而小便自可未胃實胸脅苦滿用小柴胡和之則邪熱從少陽而解不復轉屬陽明也

小柴胡湯見前

陽明病脅下硬滿不大便而嘔舌上白胎者可與小柴胡湯上焦得通津液得下胃氣因和身濺然而汗出解也

不大便屬陽明脇下硬滿而嘔尚在少陽舌上白胎痰飲溢於上焦也與小柴湯胡則痰飲化而燥土潤上焦得通津液四布則濺然汗出而兩陽之病盡解矣

小柴胡湯見前

傷寒嘔多雖有陽明證不可攻之

陽明傷寒嘔因水氣不散此胃家未實故禁妄攻也

服柴胡湯已渴者屬陽明也以法治之

此少陽將轉屬陽明之證柴胡湯有參苓甘棗服之反渴必胃家已實津液不足以潤胃當行白虎承氣等法矣

柴胡湯即小柴胡見前

白虎承氣二湯俱見陽明

熱入血室

婦人中風七八日續得寒熱發作有時經水適斷者此為熱入血室其血必結故使如瘧狀發作有時小

柴胡湯主之

中風至七八日。寒熱已過。復得寒熱。發作有時。此不在氣分。而在血分。必月事來時。血室空虛。邪熱乘虛內結。故適斷耳。小柴胡加歸赤。則血分之結熱散。而寒熱自解矣。

小柴胡湯見前

柴胡桂枝湯證

傷寒六七日。發熱微惡寒。肢節煩疼。微嘔。心下支結。外證未去者。柴胡桂枝湯主之。

傷寒至六七日。正寒熱當退之時。反見發熱微惡寒之表。而兼心下支結之裡。是表裡未解也。然惡寒微則發熱亦微。但肢節煩疼支結。是微結而微嘔。合柴胡桂枝二湯。以兩解之。則表裡之邪盡解矣。

柴胡桂枝湯 治兩陽合病寒熱支結脈弦浮數者

柴胡七錢半 白芍錢半 桂枝八分 人參八分 黃芩錢半 甘草五分 半夏錢半 生薑三片 大棗三枚

水煎去渣溫服。兩陽併病。寒熱雖微。而肢節煩疼。微嘔。心下支結。是太陽之陽邪併入少陽。而邪微結也。故以桂枝解太陽未盡之邪。柴胡解心下之微結。微嘔。合兩方為一。則兩陽表裡之邪無不盡解矣。此為兩陽並解之良方。

凡柴胡湯病而反下之。若柴胡證不罷者。復與柴胡湯。必蒸蒸而振。却發熱汗出而解。

誤下柴胡證。而仍與柴胡湯。因其人不虛。故不壞病。但清陽既陷。邪不振發。故必蒸蒸發熱。始汗出津津。而邪得外解矣。

柴胡湯見前

柴胡桂枝乾薑湯證

傷寒六七日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾姜主之初服微煩復服汗出便愈

汗下後而柴胡證仍在者仍用柴胡湯加減此因微結一證故變其方名耳此微結與陽明微結不同陽微結對純陰結而言是指大便硬病在胃此微結對大結胸而言是指心下痞其病在胸脇與心下硬心下支結同義

柴胡桂枝乾姜湯 治汗下後胸脇滿微結脈數緊細者

柴胡八錢黃芩半錢桂枝八錢枳實三錢乾姜八錢甘草五分牡蠣五分

水煎去渣溫服 汗下後胃氣既虛餘邪陷伏渴而不嘔似太陽病溫但頭汗出仍似少陽傷寒故此方全是柴胡加減法心煩不嘔而渴故去冬夏加枳實胸脇滿而微結故去棗加牡蠣小便雖不利而

心下不悸故不去黃芩不加茯苓雖渴而表未解故不用參而加桂以乾姜易生姜散胸脇之滿結也初服煩即微是黃芩枳實之效繼服汗出週身而愈者姜桂之力也

柴胡加龍骨牡蠣湯證

傷寒八九日下之胸滿煩驚小便不利譫語一身盡重不可轉側者柴胡加龍骨牡蠣湯主之

妄下後熱邪內攻故煩驚譫語是心君不寧而神明內亂也小便不利火盛水虧也一身盡重陽內而陰反外也難以轉側是少陽之樞機不利此下多亡陰與火逆亡陽不同故以此湯主之

柴胡加龍骨牡蠣湯 治下後胸滿煩驚脈細數者

柴胡八錢黃芩半錢桂枝八錢茯苓二錢人參八錢大黃半錢牡蠣三錢半夏半錢龍骨三錢鉛丹半錢生薑三片大棗三枚

水煎去渣溫服 煩驚譫語因於下後而兼胸滿身重是少陽之陽邪歸併陽明而病熱故難以轉側

也取小柴胡轉少陽之樞加大黃以開陽明之閤滿者忌甘故去甘草小便利故加茯苓鉛稟乾金之體受癸水之氣力能墜熱安神龍為東方之神骨具丙金之體鎮驚平木最效牡蠣靜可鎮驚怯性寒能除煩躁且鹹能潤下佐茯苓以利水又能軟堅佐大黃以清胃也半夏引陽入陰善自目不瞑乃化飲安神之品人多通血脈桂枝行營氣一身盡重不可轉側者在所必需此柴胡方加減而以龍蠣名之者乃血氣之屬同氣相求耳

柴胡加芒硝湯證

傷寒十三日下之胸膈滿而嘔日晡所發潮熱已而微利此本柴胡證下之而不得利今反利者知醫以丸藥下之非其治也潮熱者實也先以小柴胡湯以解外後以柴胡加芒硝湯主之

此少陽陽明併病日晡潮熱已屬陽明而利既不因下藥潮熱嘔逆又不因利而除故知誤不在下而在丸藥丸藥發作既遲不能蕩滌腸胃而戀膈傍流也先服小柴胡以解少陽之邪後加芒硝以滌陽明之熱不加大黃者以地道原通不用大柴胡者以中氣已虛也

小承氣湯 見前

柴胡加芒硝湯 治少陽陽明併病脈數弦長者

柴胡八錢 黃芩半錢 半夏半錢 人參半錢 甘草六分 生姜三片 大棗三枚 芒硝三錢

水煎去渣溫服 兩陽併病熱已內結故雖下利仍主此方芒硝滌結潤燥以下陽明內瘕之熱柴胡和解表裡以祛少陽不解之邪此少陽陽明併病之劑為少陽不解熱蓄陽明之帛方

調胃承氣湯證

太陽病過經十餘日心下溫溫欲吐而胸中痛大便反澇胸微滿鬱鬱微煩先其時極吐下者與調胃承

氣湯若不爾者不可與但欲嘔胸中痛微澹者此非柴胡證以嘔故知極吐下也

太陽過經不解不轉屬陽明則轉係少陽心煩喜嘔為柴胡證胸中痛大便澹腹微滿皆不是柴胡證

但以欲嘔一證似屬柴胡當深究其欲嘔之故必十日前吐下而誤之壞病也是太陽轉屬陽明而不屬少陽胃氣雖傷餘邪未盡故與調胃承氣和之則胃氣調和而煩痛自平矣

調胃承氣湯見前

大柴胡湯證

太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩而下利者為未解也與大柴胡湯下之則愈

屢經妄下十餘日而柴胡證仍在者因其人不虛故樞機有主而不為壞病也與小柴胡和之表證稍除內尚不解以前此妄下但去腸胃有形之物而未泄胸膈氣分之結熱耳故用薑夏以除嘔柴苓以去煩大棗和裡枳實舒急而曰下之則愈見大柴胡為氣分之下藥歟

小柴胡湯見前

大柴胡湯 治少陽熱結胸中脈弦數者

柴胡八錢半 黃芩半錢 枳實半錢 半夏錢半 生薑五片

水煎去渣溫服 熱結胸中少陽不解故心下急鬱鬱微煩而嘔不止者為大柴胡證因往來寒熱故

倍生薑佐柴胡以解表結熱在裡故去參甘之補益加枳芍以舒急也後人因下之二字妄加大黃要

知條中並無大便硬更有下利證則不得妄用大黃以傷胃氣也

傷寒十餘日熱結在裏復往來寒熱者與大柴胡湯

裏者對表而言。是指熱結氣分。故十餘日。復能往來寒熱。大柴胡倍用生薑。佐柴胡以解表。去參甘之溫補。加枳芍之酸寒。佐苓夏以破熱結也。

大柴胡湯見前

傷寒發熱。汗出不解。心下痞硬。嘔吐而下利者。大柴胡湯主之。

嘔而發熱。汗出蒸蒸。是表不解。心下痞硬。脇熱下利。是裏不解。故用大柴胡破裡之結熱。以解表也。

大柴胡湯見前

小建中湯證

傷寒二三日。心中悸而煩者。小建中湯主之。

傷寒二三日。無陽明少陽之表。但心中悸而煩。是少陽中樞受寒。木邪挾相火為患。非辛甘助陽酸苦維陰。則中氣立亡矣。故用桂枝通心散寒。甘棗飴糖助脾安悸。芍瀉火除煩。生薑佐金平木。此雖桂枝湯加飴倍芍。即名建中。寓發汗於不發之中。曰小者。以半為解表不全固中也。

小建中湯 治中虛煩悸。表不解。脈緩弱者。

芍藥

二錢 酒炒 桂枝 六分 炙甘草 半錢 生薑 三片 大棗 三枚 飴糖 五錢

水煎去渣溫服。中氣虛餒。表受寒邪。則過鬱不解。木挾相火為患。故煩而且悸。為建中湯證。即桂枝湯加飴倍芍。取酸苦以平厥陰之火。辛甘以緩脾家之急。有安內攘外。瀉中寓補之功。故名曰建中。外證未除。尚資薑桂以解表。不全主中。故名曰小耳。

小建中 小柴胡證

傷寒陽脈濇。陰脈弦。法當腹中急痛。先用小建中湯不差者。小柴胡湯主之。

尺寸俱弦為少陽受病。今陽脈濇而陰脈弦。是寒傷厥陰。而不在少陽。陽脈濇。是陽氣不舒。表寒不解。陰脈弦。弦為木。邪必挾相火。相火不能禦寒。必還入厥陰。而為患。厥陰抵少腹。挾胃屬肝。絡脾。則腹中皆厥陰之部。故腹中急痛。非甘以緩之。酸以瀉之。辛以散之。不能解也。此小建中為厥陰驅寒發表。平肝止痛之劑。然邪入厥陰。腹中必痛。原為險證。一劑建中。未必成功。當更用柴胡。今木邪直走少陽。使有出路。陰出之陽。則愈也。

小建中湯 見前

小柴胡湯 見前

嘔家不可用建中湯。以甘故也。

此建中湯。禁與酒客。不可與桂枝湯。同義。建中湯即小建中湯。見前。

黃連湯證

傷寒胸中有熱。胃中有邪氣。腹中痛。欲嘔吐者。黃連湯主之。

邪氣即寒氣。胸中蓄熱。上形寒。邪從胃侵逆。是寒格於中。熱不得降。故上炎作嘔吐也。胃陽不舒。故腹中痛。此病在焦府之半裡表。故以黃連瀉胸中蓄熱。姜桂散胃中寒逆。甘草緩中止腹痛。半夏除嘔。人參益虛。雖無寒熱。往來於外。實有寒熱。相待於中。仍不離寒熱兩調之治法。

黃連湯 治寒熱相結。腹痛嘔吐。脈緊細數者。

黃連 八錢 乾姜 半錢 桂枝 八分 人參 八分 半夏 錢半

水煎去渣溫服。寒邪格熱。腹痛嘔吐。因於傷寒。不得不審其表也。雖無寒熱。相待於外。實有寒熱。相搏於中。故以黃連瀉胸中之熱。乾薑逐胃中之寒。桂枝散胃口之滯。甘草緩腹中之痛。半夏除嘔。人參

益虛且以調平格逆之氣以和其寒熱耳。

黃芩湯黃芩加半夏生薑湯證

太陽與少陽合病自下利者與黃芩湯若嘔者黃芩加半夏生薑湯主之

太少兩陽合病必陽盛陰虛陰虛則陽氣下陷陰中故自下利也與黃芩湯徹熱益陰緩中止泄若嘔者上焦不和加半夏生薑以除水氣則兩陽之患自平矣

黃芩湯 治兩陽合病下利脈浮數者

黃芩

錢半

白芍

錢半

炙甘草

八分

大棗

三枚

水煎去渣溫服 嘔者加半夏生薑 兩陽併病必自下利是陽盛陰虛陽氣下陷入陰中也故以黃

芩泄大腸之熱芍藥斂太陰之虛甘草調中州之氣雖非胃實亦非胃虛故不必人參以補中也嘔是

上焦水氣未散故仍加薑夏即柴胡桂枝湯去柴桂人參

陽明少陽合病必自下利其脈不負者順也負者失也互相尅越名為負 少陽負跌陽者為順也

兩陽合病必見兩陽之脈陽明脈大少陽脈弦此為順脈若大而不弦負在少陽弦而不大負在陽明

是互相尅賊皆不順之候也木能尅土少陽為賊邪若少陽負而陽明不負亦負中之順脈矣

傷寒約編卷四

太陰病提綱

太陰之為病腹滿而吐食不下自利益甚時腹自痛若下之必胸中結硬

太陰主三陰之裡為陰中至陰寒濕傷之則腹滿吐利其經從足入腹寒氣時上故腹時痛而食不下

也脈當沈細宜理中湯溫中散寒則寒濕化而腹痛吐利自解也若以腹滿為實而誤下之胃口受寒

故胸下結硬

理中湯 治腹痛自利。脈沈者。

白朮炒錢 炮薑錢 人參錢 炙甘草八

水煎去渣溫服。傷寒脾土不能制濕。而濕伏不化。脾病則胃亦病。故食不下。而腹痛吐利也。白朮倍脾土之虛。人參益中宮之氣。炮姜煖胃。脫之寒。甘草緩三焦之急。且乾姜得白朮。能除滿而止吐。人參得甘草。能療痛而止利。或湯或丸。隨病酌宜。

自利證

傷寒四五日。腹中痛。若轉氣下趨。少腹者。此欲自利也。

太陰從濕化。故腹中痛。轉氣下趨。是下利之兆。四五日。乃太陰發病之期。

四逆湯證

自利不渴者。屬太陰。以其藏有汗故也。當溫之。宜四逆輩。

太陰為開。主自利。藏有寒。故不渴。脈當沈遲。宜四逆湯。溫之。則春回寒谷。而利自止矣。

四逆湯見太陽

太陰發黃證

傷寒脈浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩。下利

日十餘行。必自止。以脾家實。腐穢當去故也。

太陰受濕熱。故脈浮緩。不發熱。而手足溫。是太陰經傷寒也。太陰為陰中至陰。陰寒相合。無熱可發。手足為諸陽之本。故自溫。寒濕傷於肌肉。不得越於皮膚。故當發身黃。宜理苓湯。加茵陳。若小便自利。則

濕熱下泄身不發黃暴煩下利是濕熱下趨此脾家不虛穢盡自愈耳
傷寒下利日十餘行脈反實者死

傷寒太陰下利而脈反實此脾氣虛而邪氣盛是正氣反虛而邪不受制故死

桂枝加芍藥加大黃二湯證

太陰病脈弱其人續自便利設當行大黃芍藥者宜減之以其胃氣弱易動故也

自利是太陰本證因脾陰弱而腹滿時痛當倍加芍藥大實而痛當稍加大黃脈弱宜制小恐易動也

桂枝加芍藥湯 治太陰腹滿時痛脈弱者

桂枝八錢芍藥三錢炙甘草八錢大棗三枚生薑三片

水煎去渣溫服 太陰陽邪不解因內陷而脾陰受傷不勝陽邪之內搏故腹滿時痛焉桂枝解內陷

之邪倍加芍藥以和陰而除滿痛此為用陰和陽法

桂枝加大黃湯 治太陰腹大實痛脈沈數者

桂枝半錢芍藥半錢甘草六分大棗三枚生薑三片大黃半錢

水煎去渣溫服 脾陰虧弱則胃陽轉燥故胃家亦實而腹大實痛也用桂枝湯轉輸脾液以解未盡

之邪稍加大黃濡潤胃熱以除實痛此是兩解表裡之法

太陰桂枝證

太陰病脈浮者可發汗宜桂枝湯

脈浮者病在表是表有風邪故可發汗太陰主開是裡之表證故用桂枝桂枝湯是表之裡藥也

桂枝湯 見太陽

太陰中風證

太陰中風四肢煩疼陽微陰濇而長者為欲愈

風為陽邪四肢為諸陽之本太陰中風陰氣衰少而兩陽相搏故四肢煩痛也風脈本浮今而轉微則風邪當去病脈本濇今而轉長長則氣治故其病為欲愈

寒實結胸證

寒實結胸無熱證者與三物小陷胸湯為散亦可服

太陰腹滿時痛而反下之寒邪與寒熱相結成寒實結胸內外無熱證也宜三白小陷胸湯開之則寒實消散而胸下結硬自除矣

三物白散 治實寒結胸脈實者

桔梗兩貝母二兩巴豆三錢
去心 熱黑研泥 去皮

二物為散內巴豆同杵白飲和服一錢匙弱人量減

腹滿時痛是陽邪搏陰誤下之則陰氣與寒藥相結故成寒實結胸貝母開心胸鬱結之氣桔梗提胸中下陷之氣然微寒之品不足勝結硬之陰邪非巴豆之辛熱斬關而入何以能使胸中之陰氣流行也

病者膈上者必吐在膈下者必利

病原吐利因胸下結硬反不能通因其勢而利導之塞因通解也

不利進熱粥一杯利過不止進冷粥一杯

淡粥為陰中之陽。熱瀉冷補。亦助藥力利小便之意。
傷寒約編卷五

少陰病提綱

少陰之為病。脈微細。但欲寐也。

三陰以少陰為樞。微為水象。微細而沈。陰之少也。衛氣行陰則寐。少陰病則入陽分多。故欲寐。欲寐是病人意中。非實能寐也。

少陰自利證

少陰病欲吐不吐。心煩欲求寐。五六日。自利而渴者。屬少陰虛也。故引水自救。若小便色白者。以下焦虛有寒。不能制水故也。

欲吐不得吐。欲寐不得寐。是少陰樞機之象。五六日。正少陰發病之期。少陰脈絡心從火化。下焦虛則坎中之陽不能引水上交。故心煩而渴。關門不閉。不能制水。故自利而小便色白也。但若治上焦之實熱。不顧下焦之虛寒。則熱病未除。而下利漫無止期矣。

少陰病脈

少陰病脈沈細數。病為在裏。不可發汗。

沈為在裏。病亦在裏。少陰脈沈者。當溫然數則為熱。又不可溫。更不可汗。言外便當滋陰和陽矣。少陰病脈微。不可發汗。亡陽故也。陽已虛。尺中弱。瀉者復不可下之。

諸微為無陽。諸瀉為少血。汗之則亡陽。下之則亡陰。陽虛者既不可汗。即不可下。其尺中弱瀉者復不可下。亦不可汗也。

病人脈陰陽俱緊。反汗出者。亡陽也。此屬少陰。法當咽痛而復吐利。

脈陰陽俱緊。緊則為寒。當屬少陰。陰虛生內熱。故身無熱而反汗出也。亡陽者。虛陽不歸。少陰不藏。上焦從火化而咽痛嘔吐。下焦從陰虛而下利不止也。宜八味腎氣丸作湯。則坎火歸原而下利汗出自止。咽痛嘔吐自除矣。

八味腎氣湯 治少陰亡陽咽痛吐利脈陰陽俱緊者

熟地六錢 茯苓三錢 附子三錢 鹽三錢 肉桂二錢 山藥三錢 澤瀉三錢 茯苓三錢 丹皮三錢

水煎去渣溫服。陽亡則衛外不密而汗出吐利。陰虛則坎中火發而咽痛脈緊。此即少陰亡陽證也。

熟地滋陰補腎。茯苓秘氣益精。丹皮瀉君相伏火。澤瀉瀉膀胱水邪。山藥退虛熱。健脾益陰。茯苓滲濕。熱通腎交心。更加桂附以導引虛陽歸納真氣。則陽回而咽痛自止。汗出吐利無不除矣。

脈陰陽俱緊者。口中氣出。唇口燥乾。鼻中涕出。蹇卧足冷。舌上胎滑。勿妄治也。到七日以來。其人微發熱。手足溫者。此為欲解。或到八日以上。反大發熱者。此為難治。設此惡寒者。必欲嘔也。腹內痛者。必欲利也。

少陰脈絡肺主鼻。故鼻中涕出。少陰絡舌本。故舌上胎滑。少陰大絡注諸絡。以溫足脛。故足冷。諸證全似亡陽。而不名亡陽者。外不汗出。內不吐利也。口中氣出。唇口燥乾。鼻中涕出。此為內熱。陰陽俱緊。

舌上胎滑。蹇卧足冷。又是內寒。此少陰為樞。故見寒熱相持之證。勿妄治。謂治之不當。寧靜以待之。到七日一陽來復。微發熱。手足溫。是陰得陽而解也。若微熱不解。八日以上。反大發熱。恐蓄熱有餘。或發。

癰膿。或便膿血。為難治。若七日時。不能發熱。以陰陽俱緊之脈。反如惡寒。是寒甚於表。上焦應之。必欲吐也。如反加腹痛。是寒甚於裡。中焦應之。必欲利也。

脈陰陽俱緊。至於吐利。其脈獨不解。緊去人安。此為欲解。

陰陽俱緊之脈。至於吐利。緊脈不去。為亡陽。緊去。則吐利止。而其人可安也。

少陰病脈緊。至七八日。自下利。脈暴微。手足反溫。脈緊反去者。為欲解也。雖煩下利。必自愈。

此回陽脈證。玩反溫前此。已冷可知。微本少陰脈。煩利本少陰證。至七八日。陰盡陽復之時。緊去微見。所謂邪氣之來。緊而疾。穀氣之來。徐而和也。煩則陽已反於中宮。溫則陽已敷於四末。陰平陽秘。故煩利自止也。

少陰中風脈

少陰中風脈。陽微陰浮者。為欲愈。

陽微復少陰本體。陰浮知坎中陽回。微則不緊。浮則不沈。即暴微而緊反去之。謂邪從外來。仍自內出。故愈。

少陰傷寒證

少陰病若利自止。惡寒而踈臥。手足溫者可治。

少陰傷寒下利。是坎宮不藏。一陽無敵。陰盛陽虛。故惡寒而踈臥也。今利自止。則陽已返於中宮。手足溫。則陽已敷於四末。故可治。

少陰病惡寒身踈而利。手足逆冷者不治。

傷寒以陽為主。陰盛則踈臥而惡寒。下利不止。手足逆冷。是六府氣絕於外者。手足寒。五臟氣絕於內者。利下不禁。故不可治。

少陰病惡寒而踈時自煩。欲去衣被者可治。

陽盛則煩時自煩。是陽漸回。故欲去衣被者。為可治。

少陰病四逆惡寒而踈脈不至不煩而躁者死

陰極則躁四肢逆冷是陽已先脫脈不至是心腎氣竭不煩而躁惟形獨存故死

少陰病吐利手足不逆冷反發熱者不死脈不至者灸少陰七壯

上吐下利是胃脫之陽將脫手足不逆冷乃諸陽之本猶在也反發熱為衛外之陽尚存急灸少陰則

陽可復而吐利可止矣

少陰病吐利煩躁四逆者死

吐利而兼煩躁胃陽已脫四肢逆冷有陰無陽故死

少陰病脈微瀋嘔而汗出大便數而少者宜溫其上灸之

脈微瀋嘔而汗出是上焦之陽已外亡大便數少而不利是下焦之陽尚存急灸百會以溫其上則

陽猶可復而汗可斂嘔可平矣

少陰病脈沈微細但欲臥汗出不煩自欲吐至五六日自利復煩燥不得臥寐者死

脈沈微細是少陰本脈欲臥欲吐是少陰本證當心煩而反不煩反汗出亡陽已兆於始得之日五六

日自利反煩躁不得臥是微陽將絕必無生理矣

少陰病下利止而頭眩時時自冒者死

冒家汗出則愈今頭眩而時時自冒者是清陽之氣已脫非陽回而利自止也可知水穀已竭無物更

行故死

少陰病六日息高者死

氣息者腎間動氣三焦生氣之原也息高者但出心與肺不能入腎與肝是生陽之氣已絕故死六經

中惟少陰。懸言死證。可知少陰病。是生死關。

病六七日。手足三部脈皆至。大煩而口噤不能言。其人躁擾者。必欲解也。若脈和。其人大煩。目重。瞼內際黃者。此欲解也。

三部手足皆至。脈道原通。有根有本。大煩躁擾。是陰出之陽。非陰極當躁也。口噤不能言。因脈氣初復。營血未調。而心脾氣滯不運。非死證也。若其脈調和。雖大煩不解。亦不足慮。更視目重。瞼內際屬脾色黃而不雜他藏之色。為至陰未虛。雖口噤亦不足慮。均為欲解耳。

麻黃附子細辛湯證

少陰病始得之。無汗惡寒。反發熱。脈沈者。麻黃細辛湯主之。

少陰主裏病。當無熱。始受寒邪。即便發熱。似病在太陽而屬之少陰者。以少陰不藏。坎陽無蔽。則腎氣獨沈。故反發熱。脈沈也。病在表。脈浮者可發汗。可知脈沈者。病在表亦不得不汗矣。沈為在裏。而反發其汗。津液越出。亡陽則陰獨。故用麻黃開腠理。細辛散浮熱。即以附子固元陽。則陽不外亡。而寒邪自解矣。

麻黃附子細辛湯 治少陽傷寒反發熱脈沈者

麻黃分附子錢半細辛分五

水煎去渣溫服。少陰傷寒一陽無蔽。故假借太陽之面目。而反發熱也。麻黃開腠理。細辛散浮熱。即以附子固元陽。則汗自出。而陽不亡。寒自散。而精得藏。元陰可不被其擾矣。此少陰陽虛傷寒之托理解外法。

少陰病始得之二三日。麻黃附子甘草湯微發汗。以二三日無裏證。故微發汗也。

無裏證。只有表證。以甘草易細辛。故為微發汗。必微惡寒。微發熱。故當微發汗也。

麻黃附子甘草湯。治少陰傷寒。微發熱。惡寒脈沈者。

麻黃分附子錢半甘草分

水煎去渣溫服。少陰傷寒。坎陽無敵。不能鼓邪外出。故微發熱。微惡寒。而並無裏證也。故以麻黃開

腠理。附子固元陽。以甘草之緩中。易細辛之辛散。所以為緩中和陽。微發汗之劑。

少陰傳經便血證

少陰病八九日。一身手足盡熱者。以熱在膀胱。必便血。

發於陰者。六日愈。至七日。其人微熱。手足溫。是陰出之陽則愈。至八日以上。反大發熱。此腎移熱於膀

胱。膀胱熱。則太陽經皆熱。太陽主一身之表。為諸陽生氣。手足為諸陽之本。故一身手足盡熱。太陽經

多血。血得熱。則行陽病者。上行極而下。故尿血也。

火劫證

少陰病。欬而下利。讖語者。被火氣劫故也。小便必難。以強責少陰汗也。

欬利。因傷寒。讖語。因火劫。以腎主五液。少陰病。液不上升。故陰不得有汗也。不得已用麻黃發汗。即用

附子固裏。豈可火劫之。而強發汗哉。頓使津液暴亡。小便難。而讖語矣。

下厥上竭證

少陰病。但厥無汗。而強發之。必動其血。未知從何道出。或從口鼻。或從目出。是名下厥上竭。為難治。

陽不外達。四肢逆冷。為厥。厥為無陽。不能作汗。若強發之。不能汗。必動血。陰絡傷。而血下行。則猶或可

救。陽絡傷。而血上溢。則便難挽回矣。

附子湯證

少陰病身體手足寒骨節痛脈沈者附子湯主之

少陰陽虛陰寒切體故身體痛四肢不得稟陽氣故手足寒寒邪從陰注骨故骨節痛是少陰不藏腎氣獨沈也宜附子溫之則虛陽自回而寒邪自解骨節諸痛自舒矣

附子湯 治少陰傷寒身痛骨痛脈沈者

附子錢半 人參錢半 茯苓錢半 白芍錢半 白朮錢半

水煎去渣溫服 少陰傷寒陽虛不能鼓邪外出故陰寒切體而身痛骨痛也附子壯火以禦寒人

參補元氣以固本白朮培太陰之土白芍斂厥陰之木茯苓清治節以利少陰之水水利則土厚木榮火自生寒自解骨節諸痛無不自除矣此扶陽禦寒益陰固本之劑為少陰虛寒證之第一要方

少陰病得之二三日口中和其背惡寒者宜灸之附子湯主之

口中兼咽古言和者不燥乾而渴五藏之俞皆系於背背惡寒者背俞陽虛陰寒得以乘之見於二三日其平素虛寒可知急救背俞溫以附子湯壯火之主而惡寒自罷矣

附子湯 見前

真武湯證

少陰病二三日不已至四五日腹痛小便不利四肢沈重疼痛自下利者此為有水氣其人或欬或小便利或下利噉者真武湯主之

小便不利是病根腹痛下利四肢沈重疼痛皆水氣為患坎中火用不宣腎家水體失職是下焦虛寒不能制水故也法當壯元陽以消陰翳逐留垢以清水源因立此湯後三項是真武加減法非生證也

真武湯 治少陰傷寒水氣不散脈沈弦者

附子燉錢半 芍藥錢半 白朮燉錢半 茯苓錢三 生姜錢三

水煎去渣溫服 欬者加五味細辛 小便利而下利者去芍藥茯苓加乾薑 嘔者去附子倍生姜

少陰傷寒水氣不散故腹痛小便不利四肢沈重疼痛而下利也附子壯坎中之陽芍藥收炎上之氣

茯苓清肺利水之用白朮培土制水之溢生姜散四肢之水五品成方洵為壯火崇土散水安腎之劑

加五味辛細以治欬去芍藥茯苓加乾薑以治下利而小便自利去附子倍生姜以治嘔皆是隨證救

治之法

太陽病發汗出不解其人仍發熱心下悸頭眩身瞤動振振欲辟地者真武湯主之

汗出不解是太陽陽微不能衛外而為固少陰陰虛不能藏精而為守仍發熱而心下悸可知坎陽外

亡腎水上凌心主故頭眩身瞤振振欲辟地也用真武湯則腎火歸原水氣自降而外熱因之亦解矣

真武湯 見前

桃花湯證

少陰病二三日至四五日腹痛小便不利下利不止便膿血者桃花湯主之

少陰病兼中氣虛二三日乃戊土見證之日四五日正少陰發病之期水火不歸土金失職故腹痛小

便不利下利不止而使膿血也乾薑同石脂溫中而止痛止利乾薑同粳米崇土以利水清膿也

桃花湯 治少陰腹痛使膿血脈沈細者

乾薑錢半 赤石子錢半 粳米五錢

水煎亦可為散 少陰傷寒火土不振而邪陷不解故小便不利腹痛便膿血也乾姜炮黑溫中而止

痛止血石脂醋煨澁腸而止利清膿佐以粳米培土利水利土強則下利自止膿血自清也

四逆湯證

脈浮而遲表熱裡寒下利清穀者四逆湯主之

脈法浮為在表遲為在藏遲從浮見是浮為表虛而遲為藏寒也下利至於清穀必其人胃氣本虛寒邪直入脾藏胃陽垂亡全賴此表熱尚可救其裡寒四逆湯溫之則裏和而表熱解矣

四逆湯 治少陰病表熱裏寒下利清穀脈浮遲者

附子炮半錢 乾薑炮半錢 甘草一分

水煎去渣溫服 少陰傷寒虛陽不歸而胃氣不化故下利清穀表熱裡寒也附子補火回陽乾薑溫中散寒炙草緩三焦之急必得人參大補元氣則陽可回而裏寒自解外熱亦退矣 凡治虛證以裏為重挾熱下利脈微弱者使用人參此脈遲而利至清穀不煩不渴是中氣不虛元氣將脫但溫不補何以救逆乎必因本方之脫落而抄錄者仍之耳

下利清穀不可攻表汗出必脹滿

裏氣虛寒不能為陽之守賴表陽之尚存得以衛外而為固故攻之則更虛其表妄汗亡陽則藏更寒而生脹滿也

下利腹脹滿身體疼痛者先溫其裏

下利脹滿裡寒而胃氣不化也身體疼痛表寒而衛陽外亡也先救其裏治其本矣

傷寒下之後續得下利清穀不止身疼痛者急當救裡宜四逆湯

下後胃陽已亡故下利清穀不止身疼痛是表寒不解四逆湯急溫其裡則裏和而表亦解矣

四逆湯見前

病發熱頭痛脈反沈若不差身體疼痛者當救其裡宜四逆湯

發熱頭痛是太陽麻黃證脈當浮而反沈者是陽症見陰脈也熱雖發於表為虛陽寒反據於裡為真寒也汗之不差自身疼不除乘裡證未發四逆湯急溫其裡則裡和而表自解庶無吐利厥逆之患

四逆湯見前

大汗若大下利而厥冷者四逆湯主之

大汗則亡陽大下則亡陰陰陽俱虛竭故厥冷也四逆湯急溫之則陽回而生猶可望矣

四逆湯見前

大汗出熱不去內拘急四肢疼又下利厥逆而惡寒者四逆湯主之

汗之失宜雖大汗出而熱不去惡寒不止表未解也內急拘而下利是裏寒已甚四肢疼而厥冷乃表寒又見可知其表熱裡寒即表虛而亡陽者四逆湯急溫之冀回春於萬一

四逆湯見前

嘔而脈弱小便復利身有微熱見厥者難治四逆湯主之

嘔而發熱者小柴胡證此脈弱而發熱非相火明矣內無熱故小便利裡寒甚故見厥膈上有寒飲故嘔也傷寒以陽為主陽消陰長故難治勉以四逆湯溫之冀挽回於萬一

四逆湯見前

既吐且利小便復利而大汗出下利清穀內寒外熱脈微欲絕者四逆湯主之

吐利交作中氣大虛也完穀不化脈微欲絕氣血喪亡矣小便復利而大汗出是五府不閉門戶不要

也。猶幸身熱不去，手足不厥，則諸陽之本與衛外之陽尚存，且脈亦未脫，可望一線生機。四逆湯急溫，則正勝而邪可却耳。

四逆湯見前

吐利汗出，發熱惡寒，四肢拘急，手足厥冷者，四逆湯主之。

吐利則清穀，汗出不大而手足厥冷，惟賴發熱之表陽，急以四逆湯溫之，尚有可愈之機。

四逆湯見前

四逆加人參湯證

惡寒脈微而復利，利止亡血也。四逆加人參湯主之。

利雖止而惡寒未罷，仍宜四逆湯溫之。以其脈微為無血，無血即亡陽也。四逆湯當倍人參通脈，以

治之。

四逆加人參湯 治少陰病惡寒下利脈微者

附子錢半人參錢三乾薑錢半炙甘草錢半

水煎去渣溫服。陽亡則衛外不密，猶賴胃陽猶存，故利雖止而惡寒未罷也。當於四逆湯中倍用人

參則陽回而惡寒自罷。人參附子補火回陽，乾姜炙甘草煖胃溫中，洵為扶元補火之劑。乃亡陽陰竭之

主方。

通脈四逆湯證

少陰病下利清穀，裏寒外熱，手足厥逆，脈微欲絕，身反不惡寒，其人面色赤，或腹痛，或乾嘔，或咽痛，或利

止脈不出者，通脈四逆湯主之。

下利清穀寒盛於裏也手足厥冷陰盛於外也身反不惡寒面赤為陽鬱利止咽痛為陽回腹痛乾嘔是寒甚於裏乃寒執交爭於表裡脈微欲絕是少陰本脈利止脈不出是陽雖回而氣閉不行也通脈四逆湯裡通脈脈出則厥愈從陽而生脈不出厥不還則從陰而死矣

通脈四逆湯

治少陰病下利清穀厥逆戴陽脈微欲絕或脈不出者

附子錢半 乾薑錢半 甘草八分 葱九

水煎去渣溫服

腹中痛加白芍

嘔加生薑

咽痛去芍藥加桔梗

利止脈不出者去桔梗加人

參

陽虛於裏寒甚於中則虛陽鬱而不伸陰寒伏而不化故裏寒外熱下利清穀而厥逆戴陽也四逆之劑恐不足起下焦元陽而續欲絕之脈故加葱以通之葱秉東方之色能行少陽生發之機葱白入肺以行營衛之氣率領薑附甘參奏捷於經藏之間而氣自通脈自復虛陽得歸則裡寒自化而外熱亦解矣

下利清穀裏寒外熱汗出而厥者通脈四逆湯主之。下利脈沈而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

脈證皆輕故能鬱冒汗出而解面赤為陽戴於上因其人下虛故下利清穀而厥逆也執微厥亦微故面亦少赤耳通脈四逆湯溫之則陽自回而厥還病愈矣

通脈四逆湯見前

凡厥者陰陽氣不相順接便為厥厥者手足逆冷是也

手足六經之脈皆自陰傳陽自陽傳陰陰氣勝則陽氣不能達於四肢故為寒厥耳

諸四逆厥者不可下之。虛家亦然。

熱厥方可下。寒厥為虛。慎不可妄下。

傷寒五六日不結胸。腹濡脈虛。復厥者不可下。此為亡血下之死。

腹濡脈虛。內無熱結。可知不結胸而復厥者。為亡血。乃陽不外敷也。下之則微陽竭滅。故死。

病者手足厥冷。言我不結胸。小腹滿。按之痛者。此冷結在膀胱關元也。

關元在臍下三寸。小腸之募。三陰任脈之會。冷結則陽不外達。故厥冷。宜灸之。當知結胸有熱厥者。

傷寒脈促。手足厥者可灸之。

促為陽脈有陽虛而促者。亦有陰盛而促者。促與結要貨代脈之互文。皆為不足之脈。火氣雖微。內攻

有力。故宜灸。

傷寒六七日脈微。手足厥冷。煩躁。灸厥陰。厥不還者死。

厥陰肝脈也。應春生之氣。少陽不息之機。故灸其俞穴。而陽可回。厥可愈矣。少陰病而灸厥陰。以肝之

相火即少陰之生陽耳。

茯苓四逆湯證

發汗若下之。病仍不解。煩躁者。茯苓四逆湯主之。

未經汗下而煩躁。為陽盛。汗下後而煩躁。為陽虛。汗多既亡陽。下多又亡陰。故熱仍不解。茯苓四逆湯

薑附以回陽。茯苓以清神。則煩躁止。而外熱自解矣。

茯苓四逆湯 治少陰厥冷。煩躁脈細欲絕者。

茯苓 三錢 附子 錢 甘草 半錢 乾姜 半錢 人參 半錢

水煎去渣溫服。少陰傷寒虛陽挾水氣不化故內擾而煩欲脫而燥厥冷脈細危斯劇矣。茯苓理先天無形之氣安虛陽內擾之煩人參配茯苓補下焦之元氣乾姜同附子回虛陽欲脫之躁緩以甘草而煩躁自寧允為清神回陽之良劑也。

乾薑附子湯證

下後復發汗晝日煩躁不得眠夜而安靜不嘔不渴無表證脈沈微身無大熱者乾薑附子湯主之。

當發汗而反下之復發汗汗出而裏陽將脫故煩躁也晝日不得眠虛邪獨據陽分夜而安靜知陰不虛也身無大熱則微熱尚存不嘔渴是裡無熱不頭痛惡寒是無表證脈沈微是純陰無陽猶幸此微熱未除煩躁不寧之際獨任乾姜生附以急回其陽則煩躁止而微熱自解矣。

乾薑附子湯 治夜靜晝日煩燥脈沈微者

乾姜錢三附子錢三

水煎去渣溫 汗下倒施陽虛大虛虛陽擾於陽分故晝日煩躁夜而安靜也乾姜生附以急回其陽

散其寒則煩躁寧而脈自復微熱無不自解矣此回陽散寒之劑為陽虛陰盛救急之高方

下之後復發汗必振寒脈微細所以然者內外俱虛故也

內陽虛故脈微細外陽虛則振慄惡寒此亦乾姜附子湯證

乾薑附子湯見前

吳茱萸湯證

少陰病吐利手足厥冷煩躁欲死者吳茱萸湯主之

少陰傷寒手足厥冷陽氣不伸則木火內鬱故煩躁欲死也少陰病吐利煩躁四逆者死此厥冷在手

足而不及肢臂是諸陽之本未脫故用吳茱萸湯溫中散寒則水溫土厚而吐利止未達火歸而煩躁
寧厥冷自除矣

吳茱萸湯 治少陰傷寒煩躁厥冷脈遲者

吳茱萸錢半 人參錢三 生薑片三 大棗枚五

水煎去渣溫服 少陰傷寒木火內鬱則中氣大傷故手足厥冷煩躁欲死也吳茱入肝能溫中降逆
而散寒佐以人參固助元氣而止嘔吐則煩躁可寧姜棗調和營衛則陽得敷於四末而手足自溫何
危劇之有哉此撥亂反正之劑為少陽傷寒木火鬱伏之方

乾嘔吐涎沫頭痛者吳茱萸湯主之

乾嘔無物胃虛可知吐惟涎沫胃寒可知頭痛者清陽不足陰寒得以乘之吳茱萸湯溫中降氣舒陽
散寒則胃氣溫而嘔吐止肝木舒而頭痛自除矣

吳茱萸湯 見前

食穀欲吐者屬陽明也吳茱萸湯主之得湯反劇者屬上焦也

食穀吐嘔固是胃寒宜吳茱萸湯溫之得湯反劇者以痰飲在上焦再服吳茱萸湯探吐自愈

吳茱萸湯 見前

白通湯白通加豬胆汁二湯證

少陰病下利脈微者與白通湯利不止厥逆無脈乾嘔煩者白通加豬胆汁湯主之服湯後脈暴出者死
微續者生

下利脈微是下焦虛寒不能制水與白通湯通陽却寒以制水而利仍不止更厥逆反無脈是陰盛格

陽也。當取猪胆之苦寒加入白通湯中為反佐是熱因寒用從陰引陽之法。俾陰盛格陽者得成水火既濟。若脈暴出是孤陽獨行。故死脈微續者是少陽初生。故生。

白通湯 治少陰厥冷下利脈微者

附子半錢 乾姜半錢 葱白三枚

水煎去渣溫服。少陰傷寒下利厥冷是火虛不能鼓舞以逐邪也。乾姜附子振動元陽。佐葱白以通

陽氣俾水精四布而厥利自除矣。此扶陽散寒之劑。為陽虛不能施化之需方。

白通加人尿猪胆汁湯 治厥逆下利乾嘔煩無脈者

附子三錢 乾薑三錢 葱白五枚

水煎去渣沖入尿一杯猪胆汁少許。少陰傷寒格陽於上而不能外敷於四末。故厥冷下利乾嘔心

煩也。白通通氣以回陽。加入人尿猪胆汁以平格陽之氣而煩嘔並除。厥溫利自止矣。此是熱因寒用之法。

下利手足厥冷無脈者灸之不溫若脈不還反微喘者死

厥冷無脈不煩不嘔是陰盛於中非格陽於外也。不須反佐內服白通外灸少陰則利止脈漸出。手足

溫者生。若利不止脈不還反加微喘者是微陽已絕門戶不要故也。

下利後脈絕手足厥逆啐時脈還手足溫者生脈不還者死

厥逆脈絕虛陽暴脫也。脈漸出手足溫是內外回陽。故生。若脈不出厥不還乃微陽已絕於下利之日

故死。

黃連阿膠湯證

少陰病得之二三日心中煩不得臥黃連阿膠湯主之。

此病發於陰熱為在裡。二三日便見心中煩是熱傷心液不得臥。是心火不降也。黃連阿膠湯降心火以滋陰則心煩自除而臥寐自寧矣。

黃連阿膠湯 治心煩不得臥脈數虛數有力者

黃連

分六

白芍

錢半

黃芩

錢半

阿膠

錢三

三物水煎去渣入膠烱盡內雞子黃一枚攪令相得溫服

此心陽素旺傷寒後熱傷心液心火不降

故二三日便心中煩不得臥也需此少陰之瀉心湯芩連以直折心火佐芍藥以收斂神明非得氣血之屬交合心腎苦寒之味安能使水升火降陰火終不歸則少陰之熱不除雞子黃入通於心滋離宮之火黑驪皮入通於腎益坎宮之精與阿井水相溶成膠配合作煎是降火歸原之劑為心虛火不降之熈方

猪苓湯證

少陰病下利六七日欬而嘔渴心煩不得眠者猪苓湯主之

欬嘔是水氣煩渴是陰虛下利至於六七日陰液頓亡濕熱內擾故不得眠也以猪苓湯滋陰利水俾濕熱降腎水升則欬嘔除而下利止煩渴解而臥寐自寧矣

猪苓湯 治欬嘔下利而渴心煩不得眠脈濡數者

猪苓

錢

澤瀉

錢

茯苓

錢

滑石

錢

阿膠

錢五

水煎四味去渣內膠烱盡溫服

濕熱傷陰水體失職不能上敷下達故欬嘔下利煩渴不得眠也猪

苓佐阿膠理少陰之體滑石佐茯苓清少陰之源澤瀉佐阿膠培少陰之本阿膠本血氣之屬合三苓

澤石淡滲膀胱利少陰之用重用阿膠是精不足者補之以味也以此滋陰利水使濕熱降腎水升則

欬嘔下利自除。煩渴不得眠。無不並寘矣。

陽明病。若脈浮發熱。渴欲飲水。小便不利者。猪苓湯主之。

渴欲飲水。陽明邪熱在胃也。燥土不化。津液不行。故小便不利。而發熱脈浮也。猪苓湯潤燥行水。則熱

渴解而小便無不利矣。

猪苓湯見前

陽明病汗出而渴者。不可與猪苓湯。以汗多胃中燥。猪苓湯復利其小便故也。

此猪苓湯禁汗多而渴。是陽明熱邪在胃也。津液外越。大便必燥。猪苓湯雖用阿膠而利水。居其十七

故不可與

猪膚湯證

少陰病下利咽痛。胸滿心煩者。猪膚湯主之。

少陰下利。下焦虛也。少陰脈循喉嚨出絡心。注胸中。咽痛胸滿心煩。是腎火不藏。循經上走於竅也。猪

為水畜。津液在膚。君其膚以除上焦之虛火。佐白蜜白粉之甘。瀉心潤肺。而和脾脾為黃婆。交構水火

俾水升火降。則上熱自除。下利自止矣。

猪膚湯 治咽痛下利胸滿心煩脈虛者。

猪膚兩 白蜜兩 白粉兩

水者。猪膚糜爛入白蜜白粉。熬香和合。溫服一兩。徐徐嚙嚙。陰虛氣燥。燥火燦金。不能泌別水道。故

下利咽痛。胸滿心煩也。猪為水畜。津液在膚。取以治上焦虛浮之火。和白蜜花粉之甘。瀉心潤肺。而和

脾上滋化源。兼培母氣。使水升火降。則上熱行虛。陽得歸其部。而煩滿咽痛自除。不治利而利自止矣。

脾上滋化源。兼培母氣。使水升火降。則上熱行虛。陽得歸其部。而煩滿咽痛自除。不治利而利自止矣。

甘草湯桔梗湯二證

少陰病二三日咽痛者可與甘草湯不差者與桔梗湯

咽痛並無下利胸滿心煩證是少陰不虛邪熱上浮可與甘草湯甘緩之不差與桔梗湯辛散之三日病熱原微故製劑亦微也

甘草湯 治少陰病咽痛脈緩者

生草一兩

水煎濃汁去渣溫服 少陰傷寒過熱不解少陰之脈循喉嚨挾咽故咽痛生草一味甘涼瀉火以緩

其熱清其膈俟熱緩膈清則中氣調而外邪自解咽痛無不退矣

桔梗湯 治咽痛服甘草湯不差脈微數者

桔梗半錢 甘草半錢

水煎去渣微涼服 少陰咽痛有寒鬱者有過熱者有熱微者有熱甚者此以經氣之厚薄邪氣之淺

深為病也故服甘草湯甘以緩之不差者配以桔梗之辛則甘緩其中辛散其寒而邪熱自解咽痛無

不瘳矣

半夏散及湯證

少陰病咽中痛半夏散及湯主之

此咽中痛是寒閉其竅病屬少陰脈必沈細遲微證必憎寒發嘔故可用半夏除嘔桂枝療寒湯散酌

宜若挾相火則辛溫切禁矣

半夏散及湯 治少陰咽痛欲嘔脈沈細者

半夏糝桂枝甘草水煎去渣溫服亦可為散。少陰傷寒閉塞竅道故清陽不舒咽痛欲咽也非辛甘溫泄之品不能破其範圍當急需桂枝療寒半夏除嘔緩以甘草和以白飲或為散或為湯隨病之宜可也。

苦酒湯證

少陰病嘔而咽中傷生瘡不能語聲不出者苦酒湯主之。

嘔傷咽嗑少陰浮火挾痰飲於上也傷必生瘡故聲不出不能語也苦酒湯斂瘡清音豁痰定嘔俾嘔

平聲自出瘡斂語自能矣。

苦酒湯 治少陰病咽中傷聲不出脈弦澀者。

苦酒 杯一雞子去殼半夏糝

苦酒即醎醋同半夏入雞子白殼內置刀環安火上令微沸去滓少少含嚥

少陰傷寒挾痰飲而嘔傷咽嗑故咽中生瘡聲不出不能語焉當急以半夏豁痰飲苦酒斂瘡傷雞子

白清潤發音聲三味相合半夏減辛烈之猛苦酒緩收斂之驟潤以滋其咽喉不令泥痰飲於胸膈則

咽痛平而能語出聲矣

四逆散證

少陰病四逆泄利下重其人或欬或悸或小便不利或腹中痛者四逆散主之。

泄利下重陽邪陷於少陰也四肢厥逆陽內而陰反外也欬悸腹中痛小便不利皆水氣為患故以四

利逆散舉下陷之陽邪而水氣自散諸證無不平矣

四逆湯 治泄利下重四逆脈弦者。

柴胡兩半枳實八錢甘草兩半

為散。薤白三枚煎湯調服三錢。欬加五味乾薑。悸加桂枝。小便不利加茯苓。腹中痛倍白芍。

陽邪內陷氣滯於中而清濁不分營陰暗耗故泄利下重四肢厥逆也。柴胡升陽白芍斂陰枳實泄滯

氣甘草緩中州令伏邪升散四達則清陽不復下陷而厥利無不盡平矣。

傷寒約編卷六

厥陰病提綱

厥陰之為病消渴氣上撞心中疼熱飢而不欲食食即吐虵下之利不止

兩陰交盡名曰厥陰為陰中之陽寒傷其經則相火內鬱故氣上撞心中疼熱也火能消物故消渴

易飢肝能尅胃故飢不欲食。虵聞食臭則上入於膈而吐虵也。病發於陰而反下之使氣無止息而利

不止耳。烏梅丸主之可以除虵亦可止利。

烏梅丸見虵厥

肝虛脾證

傷寒腹滿讞語寸口脈浮而緊此肝乘脾也名曰縱刺期門。

腹滿讞語似太陰陽明內證然未經妄汗妄下而非脈浮而緊似太陽陽明表脈然驗證並非可汗而

又非也此固當以脈辨之脈法浮而緊名曰弦是弦為肝脈也諸腹脹大皆屬於熱肝氣熱則多言可

知腹滿由於肝火讞語乃肝旺所發耳肝旺則乘其所勝直犯脾土故名縱刺期門以瀉之則腹滿可

除而讞語自止矣左金枳朮加柴胡白芍生地梔丹並主之而腹滿讞語亦無不已。

左金丸 治肝火乘脾腹滿讞語脈弦數者

傷寒約編

卷六

黃連六兩 吳茱一兩 柴七次 醋

為末粥丸亦可量減作湯。肝旺乘脾不能敷化精微四達故腹滿火炎心亂神明失其主宰故讖語

也黃連大瀉心火燥脾濕吳茱引之直入厥陰以平肝除滿則讖語無不自已

枳朮丸 治脾虛腹滿脈弦者

白朮兩半 枳實八錢

為末粥丸亦可小其製而作湯。脾虛不化氣滯於中不能行其健運之職以灌四旁故腹滿也枳實

瀉滯氣白朮健脾元俾健運有常則精微四達而腹滿無不退合左金丸為肝旺乘脾腹滿讖語之主

方

肝乘肺證

傷寒發汗番番惡寒大渴欲飲水其腹必滿此肝乘肺也名曰橫刺期門自汗出小便利其病欲解

發熱惡寒為在表渴欲飲水熱為在裡其腹因飲水多而滿此肝邪挾火剋金脾精不上歸於肺故

大渴肺氣不能通調水道故腹滿是侮所不勝寡於畏也故名橫刺期門以瀉之發熱惡寒得自汗而

解腹滿大渴得小便利而津氣自達也五苓散加青皮枳實亦無不可

首條肝乘心前條肝乘脾此條肝乘肺診家須着眼

五苓散

厥陰消渴欲飲水者少少與之愈

水能生木能制火厥陰消渴最宜之

厥陰中風證

厥陰中風脈微浮為欲愈不浮為未愈

脈微浮為風行地上陰出之陽故愈不浮為木鬱土中風淫地下故未愈厥陰為風木之藏復中於風變端必有更甚於他經者有欲愈脈失未愈證惜哉

烏梅丸證

傷寒脈微而厥至七八日膚冷其人躁無暫安時者此為藏厥非虵厥也虵厥者其人當吐虵今病者靜而復時煩此非藏寒虵上入膈故煩須臾復止得食而嘔又煩者虵聞食臭出其人故吐虵吐虵者烏梅丸主之又主久痢

傷寒厥冷脈微至七八日膚冷不煩而躁有陰無陽為藏厥不治虵厥亦膚冷脈微外寒內熱勿遽認為藏厥勿治其證顯在吐虵而細辨之在煩躁藏厥純煩躁而不煩虵厥挾熱煩而不躁靜而時煩與躁無暫安迥別此風木為病相火逆攻猶寒熱相半故烏梅丸可用連柏是寒因熱用不特苦以安虵也

烏梅丸 治厥冷吐虵脈微者

烏梅錢細辛分乾姜分黃連分附子分當歸錢人參分黃柏分蜀椒分桂枝分

十劑為末蜜丸亦可作湯 厥陰傷寒相火內鬱寒熱相搏於中故吐虵蓋虵生於濕得風木之化烏

梅之酸滯入厥陰善收逆氣黃連之苦瀉心除煩兼以安虵黃柏之寒滋腎止渴更能燥濕附子以益

火歸原也干姜蜀椒溫中除濕細辛桂枝散表祛寒人參當歸以調氣血此治虵之劑即厥陰治厥之

主方

當歸四逆湯證

傷寒論卷之六

手足厥冷。脈微欲絕者。當歸四逆湯主之。

此厥陰傷寒。脈證雖無。衛外之陽亦未見。內寒吐利煩躁諸險證。當歸四逆養營解邪。則厥愈。陽回而脈自復矣。

當歸四逆湯 治厥陰傷寒。手足厥冷。脈細欲絕者。

當歸錢三桂枝分六白芍錢半細辛分四甘草分八通草分八大棗三枚

水煎去渣溫服。厥陰傷寒。內寄相火。故雖手足厥冷。而厥深熱深。不可遽投姜附也。但用桂枝解外。而以當歸為君者。厥陰主肝。為藏血之室。肝若急。甘棗以緩之。肝欲散。細辛以散之。通草通竅。利一身之關節。芍藥斂陰。防相火之逆上。此乃厥陰驅寒發表之劑。為養營平肝之常方。

當歸四逆加吳茱萸生姜湯證

若其人內有久寒者。宜當歸四逆加吳茱萸生姜湯。

久寒不用姜附者。以厥陰受病。必營血大傷。第加吳茱萸生姜。則營分受陰。而寒邪外解。脈道自復。厥無不愈矣。

當歸四逆加吳茱萸生姜湯 治厥陰藏寒。厥冷脈細者。

當歸錢三桂枝分六白芍錢半細辛分五甘草分六通草分六生姜片三大棗枚六吳茱萸分六醋炒

水煎去渣溫服。厥陰藏寒。經久必傷營血。外復傷寒。則陽不外敷。故手足厥冷。脈細欲絕也。當歸四逆湯中。桂枝得歸芍。生血於營。細辛同通草。行氣於衛。甘草得大棗。則緩中以調肝。營氣自得。至於手

太陰而脈自不絕。本方能溫表以逐邪。則衛氣能行於四末。而手足自溫耳。其久寒加吳茱萸溫厥陰之

藏。生姜溫立府之表。此溫內解外之劑。為厥陰經藏俱寒之常方。

白頭翁湯證

熱利下重者。白頭翁湯主之。

熱利下重是濕熱穢氣鬱遏廣腸魄門。重滯而難出也。白頭翁湯清微其邪則濕熱化而滯氣自調。下重無不自除矣。

白頭翁湯 治熱利下重。脈沈數者。

白頭翁 錢 黃連 半錢 黃柏 半錢 秦皮 半錢

水煎去滓。熱服。厥陰下利後重。窘迫是濕熱穢氣鬱遏於陽明也。白頭翁清理血分濕熱。小秦皮佐

以平木升陽。協之連柏。清火除濕而止利。此為清熱除濕之方。乃熱利下重之宣劑也。

下利欲飲水者。以有熱故也。白頭翁主之。

渴欲飲水。以有熱在裡為熱利也。故主以白頭翁湯。

白頭翁湯 見前

下利脈沈弦者。下重也。脈大者為未止。脈微弱數者為欲自止。雖發熱不死。

沈為在裡。弦為少陽。此胆氣不升。火邪下陷。故下重大。為陽明大則病進。故利未止。微弱為虛。利後數

亦為虛。虛則邪氣將盡。故欲自止。發熱是熱自裡發。陰出之陽。故不死。

下利脈數。有微熱。汗出。令自愈。設脈復緊。為未解。

熱微脈數。表有微邪。裡有蓄熱也。汗出則熱從外泄。利自愈。設脈復緊。是表不解。而熱不得泄。故利

未止。

下利脈數而渴者。令自愈。設不差。必圍膿血。以有熱故也。

下利脈數為虛利。亡津液則渴，水能制火，則渴利自愈。熱伏不差，必傷血室，故圍膿血也。

下利寸脈反浮數，尺中自濇者，必圍膿血。
厥陰下利脈當驗於兩關，今寸脈反浮數，尺中自濇者，是陽邪陷於陰中，故必圍膿血也。

傷寒六七日不利復發熱而利，其人汗出不止者，死。有陰無陽故也。
六七日陰陽自和之際復發熱而利者，正氣虛脫可知。汗出不止，陽亡而不能衛外也。為有陰無陽，故死。

熱厥利證

傷寒一二日至四五日而厥者，必發熱。前熱者後必厥，厥深者熱亦深，厥微者熱亦微。厥應下之而反汗者，必口傷爛赤。

傷寒三日三陽為盡，四五日而厥者，三陰受邪也。陰經受邪，寒極生熱，故先厥者後必發熱。陰邪未散，厥必復發。厥之久者，鬱熱亦久。厥之輕者，鬱熱亦輕。熱於厥相應，熱鬱三陰已入於府者，可下而已。陰不得有汗而強發之，引火上升，故口傷爛赤也。此是胃熱而非胃實。厥微者當四逆散，芍藥枳實以攻裏。柴胡甘草以和表也。厥深者白虎湯參甘粳米以扶陽，石膏知母以除熱也。

四逆散

見少陰

白虎湯

見陽

傷寒病厥五日，熱亦五日，設六日當復厥。不厥者自愈。厥終不過五日，故知自愈。

熱與厥相應，是陰陽和平，故自愈。厥終即不過五日，即六日不復厥，自愈。

傷寒厥少熱微，指頭寒，默默不欲飲食，煩躁數日，小便利，色白者，此熱除也。欲得食，其病為愈。若厥而嘔。

胸脇逆滿者其後必圍膿血也

身無大熱手足不冷。但指頭寒。是熱微厥亦微也。默默不欲飲食。是內寒亦微。煩躁。是內熱反甚。數日來小便利色白。知內熱已除。不煩不躁。可知欲得食。知內寒亦除。不厥不嘔。亦可知。若雖熱少厥微。反嘔不能食者。此內寒稍深。胸脇逆滿。此內熱亦深。熱深厥深。熱傷陰絡。故其後必圍膿血。微者小柴胡和之。深者大柴胡下之。則熱解而厥亦解矣。

小柴胡湯

陽少

大柴胡湯

陽少

傷寒發熱四日。厥反三日。復熱四日。厥少熱多。其病當愈。四日至七日。熱不除者。其後必圍膿血。

傷寒以陽為主。厥少熱多。是陽長陰消。故其病當愈。至七日熱若不除。是熱勢太過。必傷陰絡。其後大便膿血。灸甘草湯主之。則熱與厥解而膿血自除矣。

灸甘草湯

心脈結代

傷寒厥四日。熱反三日。復厥五日。其病為進。寒多熱少。陽氣退。故為進也。

熱少厥多是陽消陰長。其病為進。以熱微而厥反勝。則寒日多而陽日少。不急扶其陽。而陰盛則亡也。宜參附湯回其陽。而厥自愈矣。

參附湯

治陽虛陰盛。熱少厥多。脈微者。

人參

三錢

附子

三錢

水煎去渣溫服。陽虛陰盛。生氣日消。故熱少厥多。而病為進也。附子補火扶陽。以振生氣。人參補氣扶元。以通血脈。則熱少厥多者。無不陽回而厥自愈矣。

發癰證

傷寒始發熱六日厥反九日而利凡厥利者當不能食令反能食者恐為除中食以蒸餅不發熱者知胃氣尚在必愈恐暴熱來出而復去也後三日脈之其熱續者脈和者期之是日夜半愈所以然者本發熱六日厥反九日復發熱三日并前六日亦為九日與厥相應故期之是日夜半愈後三日脈之而脈數其熱不罷者此為熱氣有餘必發癰膿也

病雖發陽而陰反勝之故厥利此胃陽將乏竭也當不能食今反能食恐為除中除中者中空無陽求食以救反見善食之狀食以蒸餅不發熱者是胃陽尚存尚能化食原是熱厥熱利厥深熱深故九日復能發熱厥利自止矣若脈數熱甚此為熱氣有餘熱傷營血必發癰膿 便膿血是陽邪下陷於陰窻發癰膿是陽邪外結於形耳

發熱而厥七下利為難治

發於陽者當七日愈今厥不止而反下利恐其陽已內亡故難治

傷寒先厥後發熱而利者必自止見厥復利

先厥則後發熱是寒邪盛而陽氣微發熱則陽回而厥利自止見厥則陰邪盛而虛熱外退其寒內生故厥利復作也厥與利相應則更是陽消陰長之機

傷寒先厥後發熱而下利必自止而反汗出咽中痛者其喉為痺發熱無汗而利必自止若不汗必便膿

血使膿血者其喉不痺

此先陰後陽寒盛生熱之證熱雖發而厥後而陽氣勝陰故厥利自止而不復發熱熱氣有餘者又有犯上陷下之不同下利不當有汗有汗是陽反上升故咽中 而成喉痺無汗是陽從中發熱與厥應

厥利止而寒熱自解矣。若厥止而熱與利不止，則陽邪下陷，必使膿血下而不止，故咽不痛而喉不痺也。

傷寒發熱下利至甚，厥不止者死。厥逆躁者不得臥者亦死。

炙甘草湯證

傷寒脈結代，心動悸者，炙甘草湯主之。

厥陰傷寒是寒傷心主，神明不安，故動悸心不主脈。運行之機不利，失其常度，故結代也。結與代皆陰脈傷寒得之，是陽病見陰脈者死。姑製炙甘草湯名復脈湯，更欲挽回於萬一。

炙甘草湯 治傷寒心動悸脈結代者

生地錢五 人參半錢 炙甘草半錢 麥冬三錢 阿膠錢三 麻仁錢三 桂枝六分 生姜三片 大棗三枚

水煎去渣，入清酒一杯，溫服。傷寒心主熱，不可得泄而神明失養，故動悸也。以其人心血素虧，不能

主脈，故結代也。需此滋陰和陽之劑，生地為君，麥冬為臣，炙甘草為佐，大劑峻補真陰，反以甘草名方

者，取其載藥入心，以充血脈。然寒涼之劑，無以奉發陳蕃秀之機，而寒終不散，故必須參桂佐麥冬，以

通脈散寒。姜棗佐炙甘草，以和營達邪。膠麻佐地黃，補血甘草不使速下。清酒引之上行，且地黃麥冬得

酒力而更優也。麻仁一味，當是棗仁。斯手厥陰心主傷寒也。寒傷心主，相火內鬱，則血液枯涸，而心

動悸脈結。代製炙甘草湯，以開後學滋陰之路。蓋棗仁能養心，寧神益血，榮肝若麻仁，第潤腸燥，以通

虛閉，豈能入心主，以操養血安神之任乎？此非特傳寫之誤，抑亦古今血氣不同耳。

傷寒欬逆上氣，其脈散者死，謂其形損故也。外寒傷形，內熱傷氣，欬逆不止，乃氣升不降也。脈散不朝，是心肺之氣已絕，形不與氣相保，故死。

陰陽易證

傷寒陰陽易之為病其人身體重少氣少腹裡急小便不利陰中拘攣熱上冲胸頭重不欲舉眼中生花膝脛拘急者燒視散主之

此證脈非傷寒而曰傷寒者原其起病之因也今因淫情之不禁而餘邪得以投其隙移禍於不病之人頓令一身之精氣形神皆受慾火之為害是不病於傷寒而病於陰陽之為易勿得以男女分名也陰虛而淫邪湊之故少氣而熱上冲胸氣少不能運樞故頭重不舉身體皆重邪中於陰故陰中拘攣衝任脈傷故少腹裡急精神散亂故眼中生花動搖拘急故膝脛拘急也病由於腎毒侵水道故小便不利諒非木土金石所能治仍須陰陽感召之理以制之斯視襠之以意相求也

燒視散 治陰陽易脈數者

視襠近陰處

剪方燒灰

入煎劑服小便利陰頭微腫即愈 無病人與傷寒溫疫初痊不論男女合頓令亦病是餘邪乘慾火相感也視襠者男女陰陽之衝衛乎外者自能清乎內感於無形者治之以有形也形氣相得小便即利陰頭微腫濁陰走下竅清陽出上竅則慾火頓平而諸證自息矣男服女女服男更宜六味地黃合生地煎湯調下則奏效始捷耳

地黃湯

見前寒熱證

諸寒熱證

病人身大熱反欲近衣者熱在外膚寒在骨髓也病人身大寒反不欲近衣者寒在外膚熱在骨髓也此屬內因不是外感身當大熱之時反欲近衣者乃膚皮之執雖以天時而積漸之寒實在骨髓也身

當大寒之時。反不欲近衣者。是皮膚之寒。係天時而積漸之熱在骨髓也。故遇天令之大寒大熱。終不能除。宜以六八味滋腎中真陰。真陽而骨髓之積寒積熱。無不漸平矣。

六味地黃湯丸 治陰虛內熱。脈數虛者。

生地

兩八

肉四

去核澤瀉

兩三

丹皮兩三

茯苓兩五

山藥兩四

為末蜜丸亦可作湯。真陰內虛腎水不足。不能制火。而內熱於骨髓焉。生地滋陰壯水。萸肉秘氣潛

精。丹皮瀉血中伏火。澤瀉瀉膀胱水邪。山藥清虛熱於脾肺。健脾益陰。茯苓滲濕。熱於肺脾。通腎交心。

此為滋腎水退濕熱。能除骨髓積熱之方也。

八味丸湯 治水中火虛脈數細者。

八味丸

即六味丸加熟附子

一兩

甜肉桂一兩

真火內虛。腎水亦不能足。無以發育少火。而積寒於骨髓焉。故以八味丸壯水補火。能除骨髓積寒之

方也。亦可作湯。分兩只宜十一耳。